


冊府元龜

八十一之三



			五	漢
		三	三	書
		一	四	門
		九	五	
三	一	一	六	類
〇	〇			
冊	架	函	號	

			內
		五	閣
		三	文
		〇	庫
三	〇	〇	
〇	〇		
冊	架	函	號

內閣文庫	
番號	漢 5345
冊數	300 (25)
函號	365 6

廿五



春

冊府元龜

淺草文庫

淮南李嗣京叅閱

西極文翔鳳訂正

豫章黃國琦較釋

帝王部 八十一

慶賜第三

唐代宗以寶應元年四月卽位五月丁酉大赦詔諸州刺史與一子官刺史縣令入五品減兩考內外文武官三品已上賜爵一級四品已下各加一階諸州刺史父母在無官者與致仕官及母邑號已亡歿者

追贈天下子為父後者各賜勳一轉

廣德元年七月壬子受冊尊號大赦改元制內外文武三品已上賜爵一級四品已下加階仍各賜勳兩轉文武正員嘗參官并諸州刺史父母無官邑者宜與致仕及邑號賜者更與改贈

二年二月乙亥親拜南郊戊子御明鳳門大赦內外文武三品已上賜爵一級四品已下各加一階仍並賜勳兩轉武德元從功臣勳業特崇子孫沈翳者委所司勘責各與一人官成都靈武元從普恩之外三品已上更賜一級四品已下更加一階寶應功臣普

恩之外三品已上各與一子六品官賜爵一級四品已下各加兩階更賜勳兩轉五品已上官子為父後者賜勳兩轉副元帥光弼子儀各與一子三品官并階諸道節度使各與一子五品官并階都防禦使及經略等使各與一子六品官并階去歲行幸陝州六軍英武威遠威武寶應射生衙前射生左右步軍等并內外文武百官扈從到行在者三品已上與一子官四品已下各加兩階自陝州至上都已來置頓使及州府長官普恩外各與一子出身置頓使判官已下緣路縣令及專知頓使各加一階其六軍神策寶

應射生衙前射生及左右步軍英武威遠威武等諸
軍左右金吾將士緣大禮扈從及在城留後者共賜
金錢五萬貫鴻臚蕃客共賜錢一千貫儀王及彭王
已下諸王男未有官者並准舊例與官其已封為郡
王國公者及永穆長樂已下長公主及諸郡縣主并
嗣王郡王各與一子官皇親五等已上諸親三等已
上各與一子出身二王之後各與一子官應緣大禮
應升壇殿行事者普恩之外更與一子官應在太清宮
郊廟諸色職掌者及冊皇太子行事官撰冊并書冊
文及簡較造冊官普恩之外三品已上賜爵一級四

品已上加一階仍賜勳一轉

永泰元年正月癸巳朔御含元殿大赦改元應見立
仗諸軍將士等宜共賜錢五萬貫

大曆元年十一月甲子日長至御含元殿大赦改元
其立仗將士等宜賜物五百疋

德宗以大曆十四年五月卽位六月巳亥朔御丹鳳
樓大赦天下內外文武官三品已上賜爵一級四品
已下加一階致仕官同見任天下百姓爲戶者賜右
爵一級內外將士及方面連帥並加官及勳封等在
城諸將士各賜繪帛

建中元年正月辛未拜郊廟禮畢御丹鳳樓大赦天下內外文武官賜爵及階勳天下子爲父後者賜勳兩轉

興元元年正月癸酉朔帝在奉天大赦改元詔應赴奉天并進收京城將士并賜名奉天定難功臣身有過犯減罪三等子孫過犯減罪二等

六月癸丑詔興元府見任官各加兩階耆老與版授本縣令仍賜緋興元鳳州界內知垣脩橋閣路官等委巖震類例功效聞奏當與甄獎

七月丙子次鳳翔詔鳳翔府耆壽侍老八十已上各

與版授刺史仍賜紫餘並與版授上佐仍賜緋府縣知垣官考滿日放選是月辛卯御樓大赦內外文武及致仕官三品已上賜爵一級四品已下加一階仍并賜勳兩轉司徒兼中書令晟與一子五品正員京官侍中瑊與一子六品正員京官駱元光尚可孤韓遊瓌戴休顏各與一子七品正員官諸道節度使及行在都知兵馬使都虞候扈從左右金吾六軍大將軍各與一子八品正員官都團練使觀察使各與一子官收京城將士超八資改轉已甄叙者更與超三資扈從及收京城將士及嘗參官祖父母在先無官封

量授致仕官及邑號已亡者與追贈扈從將士三品已上賜爵兩級四品已下各加兩階賜勳三轉諸道刺史普加恩外賜爵一級諸道鎮軍及行營將士三品已上賜爵一級四品已下加一階宣示中外咸知朕意

貞元元年正月丁酉朔御含元殿大赦改元應從奉天及收城將士以府庫空竭減六宮百司經費據見漕運財賦隨到者賞賜之

十一月癸卯日南至南郊禮畢詔內外文武見任及致仕官三品已上賜爵一級四品已下加一階天下

諸使軍將士三品已上亦賜爵一級四品已下加一階白身人賜勳三轉應奉天興元元年扈從立功并收京城將士食封者各隨文武與一子官餘並加兩階仍賜勳三轉其文武百僚應從到興元府者五品已上賜勳三轉其五品已下賜爵一級六品已下加一階合入三品五品者不拘考限聽叙其中五品已上父母未經追贈者並與追贈大長公主各與一子七品官嗣王郡王縣主各與一子出身應陪位皇親三品已上賜爵一級四品五品加一階六品已下及嘗選散官者簡選日優與處分應緣大禮職掌行事

官及留守副留守內行事中官等三品已上各賜爵一級四品已下加一階仍並賜勳兩轉介公鄒公各與一子官如無子孫賜物一百疋神策六軍殿前射生英武威武威遠皇城左右金吾衛使等諸軍諸使將士御樓立仗及守本仗者并諸道節度下隨使赴上都帖仗將士等宜共賜物十三萬段仍賜勳兩轉四年正月庚戌御殿大赦諸軍立仗將士共賜十萬疋陪位蕃客賜一千疋天下刺史與一子正員官戶口增加田疇廣闊者長吏加一階縣令減選優與處分

十一月庚午日南至南郊禮畢詔內外文武及致仕官并諸軍將士等三品已上賜爵一級四品已下加一階大禮行事官各加一階立仗將士及守本營者共賜帛十八萬端疋

九年十一月乙酉日南至郊祀禮畢大赦天下內外文武見任及致仕并諸軍諸使將士等三品已上賜爵一級四品已下加一階將士白身者賜勳兩轉應緣大禮職掌行軍法駕南郊後留守副留守及太倉左藏庫及陪位官等三品已上更賜爵一級四品已下加一階其郊壇官廟行事官各賜勳兩轉皇親應

陪位者三品已上賜爵一級四品已下加一階及諸色應陪位官等各賜勳兩轉親王大長公主公主嗣主郡縣主鄒公介公鴻臚蕃客神威六軍及諸使應緣大禮宿衛御樓立仗及守本軍本營者諸道節度在京帖仗將士賜物有差宰輔及在方鎮者祖父各與追贈東都留守諸軍節度觀察都防禦都團練經畧鹽鐵轉運使左右神策神威六軍等統軍大將軍英武威遠軍使戶部侍郎判度支及京文武三品已上正員官尚書省四品官中書門下省御史臺五品官父在未有官者量授簡較官有官者加一階母在

未有邑號者授邑號已有邑號者更進邑號父母亡歿者各與追贈應諸軍防秋兵馬使及別勅定名充邊地兵馬使等備禦勤勞所宜優異其父在未有官者各授簡較官母在未有邑號者各授邑號邊軍鎮守及諸道諸軍防秋將士經三周年未改轉者宜與甄叙

順宗以貞元二十一年正月卽位赦制內外文武見任及致仕官并諸道將士等賜爵加階賜勳有差二王三恪褒聖侯各與一子官大長公主嗣王等各與一子官及出身有差宗子中有才用者委宗正卿以

名聞量才叙用皇王等已上親賜爵加階有差陪位者年十五已上并放出身諸州府長官及京長參官父見在未有官者並與五品致仕官及階父有者母存者與邑號父母亡歿量與追贈陝州元從寶應功臣興元元從奉天定難功臣賜爵勳有差亡歿者與追贈中書門下節度使東都留守度支鹽鐵等使京兆尹觀察招討等使及神策神威金吾六軍將士大將軍英武威遠鎮國軍使隴右經略軍使節度留後各與一子官有差其神策神威六軍將軍大將士英武軍等使并與加官神策神威六軍英武威遠營左右

金吾及皇城將士及緣御樓立仗將士等賜物及爵階有差應東官官及侍讀侍書授在正月二十六日已前者國喪已來職掌行事及冊命官受顧命撰制詔及脩冊文并寫制詔官等賜爵加階勳進改有差蕃客等共賜物一千八百七十疋義武軍節度使下官健在城立仗共賜物三千八百四十五疋立仗將士等量加改轉內侍省及內坊官正諸道進奏院及奏事官賜爵階勳有差百姓九十已上版授及賜各有差又冊皇太子詔文武官常參及諸州府長官子為父後者賜勳兩轉

憲宗元和元年正月丁卯御丹鳳樓大赦内外文武見任及致仕官神策六軍諸道將士等各賜爵階勳有武德已來功臣子孫與官及出身文武嘗參官觀察節度團練經略使刺史六軍大將等父母亡歿與封贈至德已來任宰輔與追贈及謚陝州奉天元從功臣恩外更賜勳爵

二年正月辛卯有事於南郊還御丹鳳樓大赦天下制内外文武見任及致仕官諸軍將士等以品秩節級賜勳爵文宣公及二王三恪公主諸王與一子官及賜物有差諸軍立仗及在本營節級賜物應緣大

禮職事官並賜階爵天下百姓高年者賜米麥羊酒及版授官

四年十月册鄧王寧為皇太子大赦天下文武常參官及諸州府長官子為父後者賜勳兩轉應緣册禮行事官賜階及勳爵有差鄧王府官量與進改

七年十月壬寅册遂王為皇太子庚戌制文武嘗參官及諸州府長官子為父後者賜勳兩轉應緣册皇太子行事官加階賜勳爵有差文武嘗參官及陪位官并宗子親賜勳一轉遂王府官量與進改

十三年正月乙酉御含元殿受朝賀畢御丹鳳樓大

赦詔二王三恪及文宣公各賜物五十疋神策六軍
威遠金吾及皇城等緣御樓立仗將士等及在城內
蕃客各賜布有差中書門下及文武嘗參官諸道節
度觀察神策諸軍等使祖父母父母節級與贈官封
存者量與致仕官及邑號天下百姓高年賜束帛羊
酒有差

十四年七月己丑御宣政殿受冊尊號大赦天下內
外文武見任及致仕官三品已上賜爵一級四品已
下加一階仍賜勳兩轉神策六軍金吾皇城威遠等
諸軍應在城內蕃客並節級賜物侍中韓弘讀冊官

崔群讀寶官皇甫鏐並各加一階已至三品者賜爵
二級撰冊文官崔群與一子正員官其餘應職掌行
事官加階賜爵賜勳有差寶應興元功臣各賜勳爵
天下百姓高年者頒賜有差

穆宗以元和十五年正月卽位二月丁丑御丹鳳樓
大赦詔內外文武見任及致仕官三品已上賜爵一
級四品已下各加一階諸道軍將士等普恩之外賜
階爵有差二王三恪文宣公及公主縣主嗣王節級
賜與一子官及出身宗子才行者委以名聞奏仍委
中書門下量才叙用皇王等已上親皇太后二等已

上親並賜階爵中書門下諸道節度使諸州府長官東都留守及京嘗參官諸軍使等父母並節級與追贈父母存者與官封已經追贈者更與改贈在城諸軍將士節級賞賜仍加階爵京西京北及鎮武天德八道節級都防禦使下及神策一十二鎮將士等共一十八萬六千七百餘人都賜物一萬八千八百餘疋皇太后諸親委中書門下量等第節級優賞文武嘗參官及外官職事五品已上有母者並加邑號如已至郡太夫人者許迴授周親應緣皇太后冊禮職事官並節級賜物天下百姓有祖父母父母高年者

賜東帛城內蕃客等並節級賜物今年正月二十八日至閏正月三日宮苑諸門守捉西內立仗將士等量加改轉應內侍省及內坊官正等并賜勳爵九月辛丑幸魚藻宮大張樂觀競渡貴戚左右泊倡優角抵市肆百戲皆厚頒賜賚

十一月制王承元願赴闕庭宜令諫議大夫鄭覃往鎮州宣慰其四州之內有高年孤獨或承平遺老風觀皇風或孤獨廢疾不能自存者差官就問量給粟帛

長慶元年正月辛丑郊禋禮畢大赦天下內外文武

及致仕官三品已上賜爵一級四品已下各加一階
陪位白身人賜勳兩轉陝州奉先興元功臣更賜爵
有差身歿未經追贈應緣大祀移仗宿衛御樓立仗
將士普恩之外賜爵勳有差仍准舊例賜錢物二十
萬四千九百六十端疋貫大禮職掌行事官及留守
等更賜勳爵及加階升壇殿行事官更特加一階應
在城內蕃客等賜物有差天下百姓高年者賜米及
綿絹有差

三月以盧龍軍節度使劉總請代詔曰劉總已極上
台仍移重鎮兄弟子姪各授官榮大將賓寮亦宜入

擢百姓復一年宜賜軍士錢百萬貫以內庫錢充仍
令宣慰使給事中薛存慶親論朝旨與節度使丞相
張弘靖計會大將判官甄獎未及有父母在者並具
名列上郡縣中有殘破甚者量便宜優卹管內高年
憊獨廢不能自存者差官就問給賜粟帛

七月壬子受冊尊號禮畢御丹鳳樓大赦內外文武
見任并致仕官賜官爵有差神策六軍金吾威遠皇
城將士普恩之外各賜勳三轉大長公主長公主公
主嗣王郡王縣主神策六軍金吾威遠皇城等諸軍
將統軍以下并將士等長行立仗及守本軍本營者

各賜物有差鴻臚禮賓院庶在城內蕃客等並節級
賜物陰山貴女來迓天孫會王明庭克觀盛典念吾
妹之將遠於禮賓而宜加其迴鶻公主別有賜物攝
侍中讀寶官戶部侍郎平章事杜元穎讀冊官中書
侍郎平章崔植各加一階撰冊文官與一子正員官
冊奉寶授書玉冊官書寶官各加兩階進寶綬進冊
進中嚴外辨禮儀贊道押冊寶綬昇寶冊官各加一
階其餘應職掌行事官并寫制書官大常脩撰儀注
禮官并內定行事中使三品已上賜爵一級四品已
下加一階仍并賜勳兩轉鑄造玉冊并填金字造寶

裝寶官等各賜物五十段尊師重傅有國嘗經李逢
吉常綬薛倣丁公著等普恩之外各加一階如已至
三品四品者賜爵一級天下百姓年九十已上委所
在長吏量加存問

二年十二月丙子冊景王爲皇太子癸丑詔文武嘗
參及諸州府長官子爲父後者賜勳兩轉緣冊太子
攝太尉稱賀攝侍中承旨宣制進中嚴外辨攝中書
令讀冊授冊各賜爵一級其行事職掌官及書寶引
冊寶昇舉冊寶儀禮使禮官等三品已上賜爵一級
四品已下加一階撰冊文官特加一階仍並賜物有

差導引官各加一階鑄造冊寶及禮生等賜勲有差
文武嘗參及陪位官并宗子諸親賜勲一轉
敬宗以長慶四年正月丙子卽位詔曰朕以寡昧祇
膺寶位載懷悼懼豈所克堪而羽衛爪牙禁營師旅
晝巡夜警協力悉心自始御哀至於踐祚忠勤匪懈
誠節用彰將圖錫賚務欲豐厚屬頻年旱歉御府空
虛如聞邊上將士至今未給衣賜永言軫慮深切寤
懷霑卹之時所期均濟兩軍官健各宜賜絹十疋錢
十千畿內諸鎮各賜絹十疋錢五千軍吏及城內諸
軍賞物節級有等仍於內庫更出綾絹共三萬疋度

支充邊軍春衣并天下州府賦稅如要蠲放者并委

所司約此數均勘取濟凡百將士宜悉朕懷

元和十五年稅
宗卽位賞賜過差左右神策軍各給錢五十貫諸軍
及外鎮所降無幾將吏之錫又倍焉至是宰臣請量
物力稍循往
例時議美之丁丑分命中使宣賜宰臣及給事中中

書舍人錦綵金銀器有差以冊日行事寵錫也又賜


諸內長官及扈從至左右軍供奉官錦綵銀器有差

文宗以寶曆二年十二月乙巳卽位賜左右軍中尉

樞密使供奉內官等錦綵銀器有差戊申帝始聽政

尊聖母爲皇太后賜行事官錦綵銀器有差宰臣翰

林學士錦綵銀器有差以脩冊文宣教令故也賜少



陽院宿直官健共四百人錢各二十五貫絹二十五疋於槐林卓隊左右軍各五千人絹各十五疋錢十五貫又長行各錢十貫絹十疋左右三軍長行絹各十疋錢五貫左右金吾皇城威遠飛龍官健等各絹五疋錢五百文

太和元年正月乙巳御丹鳳樓大赦改元其去年十二月九日立功將士普恩之外三品已上更賜爵一級四品已下更加一階其赴難軍使兵馬使都虞候將士等仍各與改轉名銜聞奏

七年八月甲申冊晉王永為皇太子制文武嘗參官

及諸州府長官子為父後者賜勳兩轉應緣冊禮行事官賜爵加階賜勳并賜物有差曾王府官未經進改者量與進改

開成元年正月辛丑朔御宣政殿改元大赦應內外

文武進階加爵有差

臣欽若等曰自武宗至哀帝無實錄帝紀惟書大赦及錄文言簡赦文未獲故會昌已後慶賜之事多闕文

昭宗龍紀元年正月癸巳朔御武成殿大赦改元中外文武臣寮進秩頒爵有差

天祐元年閏四月帝遷都雒陽乙巳御光政門大赦

改元應倚都諸色工匠人夫軍將節級軍人百姓等



共賜錢一十萬貫以見在東都諸道上供物充委全忠分給其軍將仍委具名銜聞奏量材酬獎又應自陝州執事掌儀仗隨駕馬軍及樓下立仗將士等共賜錢五萬貫以見在東都錢充應內外文武嘗參官節度觀察防團刺史並與追贈追封先已有者更加封贈其諸道藩鎮牧守并委中書門下第其功績進改處分禮儀使御營使各與進階

後唐莊宗同光元年四月卽位改元大赦應六軍及行營馬步蕃漢諸道將較并賜功臣未有官者超一資與簡較官已有官者亦超一資如官已高者與加

爵邑如曾封爵者卽給一子六品正員官其長行兵士並賜功臣應將士等並勒逐處各等第優賞

二年二月己巳朔南郊禮畢大赦應自來立功將較兵士等皆久經戎陣備觀辛勤並宜各轉官資仍加賞給應南郊掌儀仗隨賀官員及樓下立仗將士及河南將較兵士等亦各賜等第優賞應藩鎮使臣各賜一子出身仍封功臣名號諸道留後刺史官高者加爵一級官卑者加官一資

三月辛亥詔隨駕收復汴州及扈從到雒及南郊立仗都將已下至節級長行軍將等朕自削平中夏掃

蕩群凶被介冑以征行歷星霜而扈從凡經百戰盡
立殊功永念丹心真同赤子若無旌賞豈表恩榮其
都將官自司空已下者宜並賜協謀定亂佐國功臣
自僕射尚書嘗侍至大夫中丞宜並賜忠勇拱衛功
臣其初帶憲銜宜並賜忠烈功臣已有功臣名者不
在此限其節級長行軍將並宜賜扈蹕功臣又詔昨
皇太后爰自北京歸於大內旋膺典冊正位宮闈載
詳邦國舊規合有命婦貢表宜稽邃古以示新恩應
內外文武官妻可據品秩高卑各封邑號

明宗天成二年五月勅朕自恭承景運祗荷丕圖念

寰海生靈錄勲賢骨肉保家莫尚於孝報國莫大於
忠忠孝兩全古今所重在朝文武臣寮并諸道節度
刺史等有父母者宜徧加恩澤使天下爲人父者知
感爲人子者知恩競揚家國之風顯著君臣之道

三年正月己丑先准天成二年五月十二日勅中外
臣寮及諸道節度使等有父母者並許加恩奉勅凡
居臣下盡抱公忠共爲朝廷各榮家族具慶者繼頒
恩渥俾耀晨昏旣亡者宜漏泉扃以光封樹應中外
群臣及諸道節度防禦團練刺史等父母亡歿者並
與追贈加封

四年二月北面馳報今日三日收復定州舉酒徧賜侍臣喜除腹心之疾賜教坊絹五百疋內臣進馬稱賀丙午百辟入賀馮道從容言曰元惡既除猶望陛下安不忘危卽太平非遠戊申宴群臣於玉華殿樂作王晏球馳報已獲王都首級生禽契丹禿飯等二千餘人百官就班稱賀崔協酒酣不能扞蹈踣於地命左右掖之方輿不久協卒宴罷賜物加等

長興元年二月郊禋禮畢下制曰朕恭荷丕圖獲申大禮蓋股肱之叶力環衛之輸忠將士等扈從乘輿警巡晝夜咸彰勞瘁深所嘉稱各示頒宣以明酬獎

宜令三司依等第勘會指實人數指揮支給其諸道州府如本處有絹帛准價折支無見在錢物卽就便支遣兼差使臣各往逐處宣賜仍下六軍諸衛准此告諭是月宴群臣於長春殿百寮各賜鞍馬銀器分物有差酬郊祀行事也五月丁丑詔賜皇后冊禮使馮道副使兵部尚書盧質錢絹衣著銀器鞍馬有差三年正月白波新脩軍營帝駕幸觀之稱旨賜部署軍吏等物有差八月戊申受冊尊號庚戌以馮道撰玉冊文李愚書寶劉昫書冊各賜絹二百疋銀器百兩秦王從榮延光延壽各賜絹五百疋銀器百兩金

帶一銀鞍馬一宜徽使馮贊孟漢瓊絹三百疋銀器百兩鞍轡馬一匹客省使宋敬塘樞密直學士李崧絹百疋蓋盃一侍衛指揮使康義誠已下三人六軍統軍李從昶已下六人各賜錢二十千諸軍都指揮使人各十五千諸軍指揮使人各十千副指揮使人各七千都頭人各五千副兵馬使人各四千親直捧聖等散指揮使嚴衛軍將等人各三千龍武神武羽林六軍馬步兵士人各二千雜作諸軍將士人各一千徽號赦後恩賞也又賜侍衛都將康義誠絹二百疋馬一匹馬步都將安彥威張從賓各絹百疋馬一

匹捧聖嚴衛都將宋洪實皇甫遇絹各百疋

十月丙寅勅曰朕聞君臣一也善否同之比之於人心安則體逸方之於木枝盛則葉繁朕自父天子民宗文祖武輔弼上憑於廊廟獻替次賴於縉紳四海無波敢自矜於清晏一人有慶思共樂於雍熙近又允副群情增崇大號雖中外元輔已議序遷而文武庶寮未聞普及而况咸著恪居之績悉堅欣戴之誠將顯示於獎酬當廣頒於渥澤應在朝文武臣寮並宜加恩其有八月四日已後遷官者不在此限時帝欲徧與百寮轉官而馮道等以爲轉官須論資考乃

奏叙階勲而已

愍帝以長興四年十一月癸卯卽位已酉詔中外將士賜物有差

應順元年正月改元諸藩鎮文武臣寮皆次序加恩帝嗣位覃慶澤也是月宴將相百寮於廣壽殿賜幣馬有差二月詔兩班嘗參官各加階進爵從改元赦書恩例也

末帝清泰元年四月卽位大赦應內外文武臣寮節鎮州府等使刺史文武職員將較並與加恩應自鳳翔扈駕員寮凡主兵主事者各賜功臣名見在京隨

駕并諸道馬步將士并與等第優給并從別勅處分隨駕前資文武官寮并量材任使是月詔禁軍鳳翔城下歸明將較賞給龍武都指揮使安審琦羽林都指揮使馬萬楊思權嚴衛都指揮使尹暉各二馬一駝錢七十貫諸軍廂指揮使壕寨使各一馬一駝錢五十貫諸軍指揮副指揮使一馬一駝錢四十貫軍使都頭一馬錢三十貫諸軍軍使副兵馬使至長行契丹直錢三萬軍頭十將至軍人各十貫其元在京城守營及新招軍都人廂軍十將至官健各錢十貫又詔曰應勸進諸選人前京兆府武功令龐濤而下

四百九十有四人方在京都邁茲際會既同勸進宜示獎勵其前資州縣官及黃衣進選人近日緣少闕員難於戒選候合格日各超一資注擬行事官亦於注擬時優與處分長流人已歸本貫卽以赦書節文處分攝試官推巡令錄宜并許比三轉出身判司衙推主簿比明經出身各守選限自今年始合格日與初官宗子未有出身者與出身有出身者同選人例處分給與憑據

七月詔鄭州防禦使宋敬塘宿州團練使潘環潁州團練使孫鐸亳州團練使康文審洛州團練使田武密州刺史張錢郢州刺史武廷翰懷州刺史周光輔商州刺史侯益并叙進爵邑從恩例也文武兩班崔居儉而下一百七十有一人各轉階一級或賜勳一轉或進爵一等示新恩也

晉高祖天福元年十一月己亥卽位于北京大赦改元詔曰文武官寮等各輸推戴之誠宜示獎勵之道應在京文武官寮及軍府將較并勸進官等兼前資官內自五月後來未曾分掌職任并各與遷轉官資自五月後已來曾受官者不在此限其軍府諸色職掌將吏等已及押衙職者并與加官未及押衙職者

各與遞遷職次應超魏府行營及係侍衛諸軍將校等并已加恩外所有六軍及諸道本城并替換在諸處將較未加恩者凡執干戈皆爲社稷雖守役或分等次而傾心盡著勤勞且被渥恩各升官秩用獎輸忠之効俾堅禦侮之誠其六軍及諸道州府本城并替換在諸處將較未加恩者宜令并與依資轉官仍令六統軍及諸道州府據前項軍都自副將已上分折名銜申奏是月甲申至雒都壬午詔曰賞罰二柄激勸萬方儻稽甄獎之恩何荅勤劬之効應扈駕及相州歸順軍都並與重加優賞但緣宮內燒焚庫藏

虛乏宜令三司疾速抽徵諸道稅物以充賞給其指揮使節級等并與超轉官資五月後來已曾授恩命者亦與依資轉官高懸朗日臨照必被於遐陬大扇仁風亭育罔遺於纖芥應天下歸順節度使刺史下賓席郡職及將較等委中書門下各與改轉官資二年正月庚申詔曰有晉開國新命臨人宜弘不二之規以廣無私之化應在朝中外臣寮及節度團練防禦使刺史留守司及州府縣官等宜并與加恩擢林委任不問常例

十月勅應追尊四廟行事官等追尊四廟式展盛儀

行事庶官合頒溥澤貴承光寵共贊孝思宜令銓司
 准元勅磨勘如守選年深過格及已合格指受赴任
 不得并次一選兩選者先與注官加欠三選四選月
 限不滿衝替下許非時注擬者即相次注官仍頒各
 依資序如不依元勅指揮欠選數多者即仰都具奏
 聞

三年四月諸道藩侯郡守皆等第加恩

六年八月己亥帝至鄴都壬寅制經過郡縣迎奉乘
 輿既供億以為勞宜旌酬而示寵應自東京至鄴公
 路供頓官員職掌等並與加恩載念雀臺昔居侯服

撫綏六郡臨蒞四年睠彼職員依然父老無恡推恩
 之典仍敦尚齒之風鄴都並相澶貝博衛等州官員
 職掌內有頃歲潛龍時在職者并與加恩管內耆老
 八十已上者並與版授上佐

少帝以大福七年六月乙丑即位丁卯賜侍衛諸軍
 將較錢一百貫至五十貫以初即位示大賚也

七月庚子御正殿大赦內外臣寮侍衛諸軍將較及
 諸道節度使防禦團練刺史及諸道賓幕將較職員
 見任京官六品已下州縣官三司場院監治帶使額
 者並與加恩其諸道職員押衙已下與轉官兵馬使

已下與轉職致仕官前任文武朝臣內諸司使已下前任節度使防禦團練刺史行軍賓從少尹上佐官前諸道都指揮使已下前任京六品已下官及前資州縣官帶使額場院官等並與加恩應在京諸司職掌亦量與恩澤

八年七月丁酉幸南莊宣隨駕臣寮射于後園賜酒食物帛有差沿路農人各賜布衫袴并鞋貧子共賜錢一十貫文

開運二年正月辛亥宴青州立功將較於永福殿賜李守貞符彥卿玉帶衣一襲衣著銀器鞍轡馬都監

王景崇護聖廂主楊實都指揮使斬霸等各等第賜金銀帶衣服疋段銀器等

漢高祖開運四年二月辛未卽位於北京猶稱天福十二年是月戊寅以內外府庫賞犒諸軍將士有差甲午賜北京晉內郡縣官員職掌各加階級乙酉北京晉內及諸道相次有前資官六千七百人詣闕稱賀帝面加賚以遣之

六月甲子至東京戊辰大赦內外臣寮及京百司并諸道官吏將較等各具名銜申奏當與加恩

乾祐元年正月乙卯大赦改元應扈從鄴都文武臣

寮及諸軍將較并在京都署巡簡官員職掌諸軍將較等除已行恩命外所有未曾加恩者宜令中書門下條舉聞奏兼鄴都已來緣路州縣迎奉大駕供饋宿頓糧草無遺闕處其職掌及州縣官吏並與等第甄錄

隱帝以乾祐元年二月辛巳卽位癸巳大赦應中外文武臣寮將吏各加恩寵其馬步諸軍兵士等各加賞給

周太祖廣順元年正月丁卯卽位改元詔馬步諸軍將士等各與等第超加恩命仍賜功臣名號已有功

臣者別與改賜內外文武臣寮致仕官諸軍將較隨使職員及前任藩侯郡守文武朝列前內諸司使副使前禁軍指揮使前資行軍副使等各與等第加恩世宗以顯德元年正月南郊大赦內外馬步諸軍將士各等第優賞應見任內外文武職員諸軍將較致仕官節度防禦團練刺史前任文武外朝官前內諸司使副使前諸州行軍副使前指揮使諸道進奉尊人前資官赴郊廟陪位者并與加恩內外命婦并與追封因夫子叙封者不得過夫子本品其諸寺監攝官如滿七周年已上應奉公事無遺闕文書灼然者

並與同明經出身應祇應郊廟職賞人員並與恩澤
其行事官已勘無違碍者候銓司移省各與除官合
來年集者候將來授任仍並加一階欠三選至五選
者減一選欠六選已上減兩選幕職并與減一年如
欠月限不及一年者便與除官仍轉官資其諸色選
人駁放皆依格勅其間小小違碍可以情恕者并條
奏以聞起今後升朝官兩任已上著緣十五周年者
與賜緋著緋十五年者與賜紫凡州縣官歷任內曾經
五度參選者雖未及十六考與授朝散大夫階年七
十已上合授優散官者并賜緋其非時特恩不拘此

例是月賜將相近臣主軍職員及郊裡冊尊號行事
官等第分物

三月丁丑賜宰臣樞密使及諸軍都較鞍馬金玉帶
衣服各有差辛巳大赦內外見任文武職官致仕官
及諸軍將較并與加恩其前任京官幕職州縣官至
合授官日施行

四年三月戊子朔帝在淮南宴文武從官於行宮賜
招討使李重進都監向訓等窄衣玉帶金銀器繒綵
鞍馬器甲等又賜諸將及行營軍士分物各有差

慶賜三

冊府元龜終

冊府元龜終 卷之八十一 慶賜三 恩其補注京 淮南李嗣京 西極文翔鳳 訂正 豫章黃國琦 較釋

冊府元龜

淮南李嗣京 西極文翔鳳 訂正 豫章黃國琦 較釋

帝王部 八十二

赦宥

書曰宥過無大又曰青災肆赦易曰雷雨作解君子以赦過宥罪周禮秋官司刺掌三宥三赦之法春秋書肆大眚斯皆赦宥之制也是知帝王以為死者不可復生刑者不可復續故開仁恕之道行曠蕩之恩

所以釋旣往之辜示自新之路也漢晉而下歷代相承至若展義時巡遂行於慶賜弔民代罪惟新其號令亦有觀災異而戒懼因祥瑞而報功雖行渙汗之恩或起徼倖之弊故古人有言曰赦不欲數數則惠奸非爲政之善也管子云赦者犇馬之委轡也是以王者戒而慎之

漢高祖二年立太子赦罪人

五年正月詔曰兵不得休八年萬民與

與音代
廢切

苦甚

今天下事畢其赦天下殊死以下
六月壬辰大赦天下

六年十二月詔曰天下旣安豪傑有功者封侯新立未能盡圖其功身居軍九年或未習法令或以其故犯法大者死刑吾甚憐之其赦天下
八年八月吏有罪未發覺者赦之

九年正月詔曰丙寅前有罪殊死以下皆赦之

十年七月癸卯太上皇崩塋萬年赦櫟陽囚死罪已

下萬年櫟陽在櫟陽縣界特赦之

十一年秋七月淮南王布反上赦天下死罪已下皆令從軍

十二年三月詔曰燕王綰與吾有故愛之如子聞與

冊府元龜 帝王部

卷之八十一

二

陳豨有謀吾以爲亡有故使人迎綰綰稱疾不來謀
反明矣燕吏民非有罪也賜其吏六百石已上爵各
一級與綰居去來歸者赦之

四月丁未大赦天下

孝惠四年三月甲子皇帝冠赦天下

孝文以高后八年閏七月乙酉卽皇帝位卽日夕入
未央宮還坐前殿下詔曰丞相太尉御史大夫間者
諸呂用事擅權謀爲大逆欲危劉氏宗廟賴將相列
侯宗室大臣誅之皆伏其辜朕初卽位其赦天下賜
民爵一級女子百戶牛酒酺五日

二年正月丁亥詔曰夫農天下之本也其開籍田朕
親率耕以給宗廟粢盛民謫作縣官及貸種食未入
入未備者赦之

三年七月詔曰濟北王背德反上誑誤吏民爲大逆
濟北吏民兵未至先自定及呂軍城邑降者皆赦之
復官爵與王興居去來者赦之八月濟北王興居自
殺赦諸與興居反者
十五年四月幸雍始郊見五帝大赦天下脩名山大
川嘗祀而絕者有司以歲時致禮
後元四年五月赦天下免官奴婢爲庶人

孝景元年四月赦天下賜民爵一級

三年正月吳王濞膠西王卬楚王戊趙王遂濟南王

辟光菑州王賢膠東王雄渠皆舉兵反大赦天下二

月破七國六月詔曰迺者吳王濞等為逆起兵相脅

誑誤吏民不得已今濞等已滅吏民當坐濞等及逋

逃亡軍者皆赦之

四年六月赦天下賜民爵一級

中元元年四月赦天下賜民爵一級

五年六月赦天下賜民爵一級

後元元年三月赦天下賜民爵一級中二千石諸侯

相爵右庶長

右庶長第十一爵

孝武建元元年二月赦天下賜民爵一級年八十復

二筭九十復甲卒

二筭二口之筭也復甲卒不豫革車之賦也五月赦吳

楚七國帑輸在官者

吳楚七國反時其首事者妻子沒入為官奴婢武帝來焉皆赦

遣之也帑讀與拏同元光元年四月赦天下賜民長子爵一級

四年五月地震赦天下

六年春詔曰夷狄無義所從來久間者匈奴數寇邊

境故遣將撫師古者治兵振旅因遭虜之方入將吏

新會上下未輯

詔言古者出則治兵入則振旅素練其衆不虧戎律今之出師因遭寇虜

方人為害而將吏新會上下未和代郡將軍敖雁門

將軍廣所任不肖肖似也不肖者言無所象類謂不才之人也

義妄行棄軍而北少吏犯禁少吏小吏也用兵之法不勤

不教將率之過也教令宣明不能盡力士率之罪也

將軍已下廷尉使理正之而又加法於士卒二者並

行非仁聖之心朕閱衆庶陷害欲刷耻改行復奉正

義厥路亡繇一陷重刑無因復從正道也繇讀與由同其赦雁門代郡軍

士不循法者

元朔元年三月甲子詔曰朕聞天地不變不成施化

陰陽不變物不暢茂易曰通其變使民不倦詩云九

變復貫知言之選朕嘉唐虞而樂殷周據舊以鑒新

其赦天下與民更始諸逋貸及訴訟在孝景後三年

以前皆勿聽治

三年三月詔曰夫刑罰所以防姦也內長文所以見

愛也言有文德者即親內而崇長之以百姓之未洽

于教化朕嘉與士大夫日新厥業祗而不解其赦天

下解音

元狩元年四月赦天下丁卯詔曰朕聞咎繇對禹曰

在知人知人則哲惟帝難之蓋君者心也民猶支體

支體傷則心憊怛日者淮南衡山脩文學流貨賂兩



國接壤林於邪說而造篡弑此朕之不德詩云憂心

慘慘念國之為虐已赦天下滌除與之更始

元鼎元年五月大赦天下

五年四月南越王相呂嘉反殺漢使及其王王太后

乃赦天下

元封二年四月上祠泰山塞決河還赦所過徒賜孤

獨高年米四石

六月詔曰甘泉宮內中產芝九莖連葉上帝博臨不

異下房賜朕弘休

言天廣臨不以下房為幽側而隔異之賜以此芝其赦天

下賜雲陽郡百戶牛酒

四年三月祠后土詔曰朕躬祭后土地祇見光集于

靈壇一夜三燭幸中都宮殿上見光其赦汾陰夏陽

中都死罪賜三縣及楊氏無出今年租賦

楊氏河東聚邑名

五年四月詔曰朕巡荆楊輯江淮物會大海氣以合

泰山上天見象增脩封禪其赦天下所幸縣母出今

年租賜鰥寡孤獨帛貧窮者粟

六年三月祠后土詔曰朕禮首山崑田出珍物化或

為黃金

昆田首山下田也祭后土神光三燭其赦汾陰殊死

以下賜天下貧民布帛人一疋

太初二年四月詔曰朕用事介山祭后土皆有光應

册府元龜 帝王部 卷之八十二 六

介山在河東皮氏縣東南其特立周七十里高三十里其赦汾陰安邑殊死以下

天漢元年五月赦天下

三年三月行幸泰山脩封祀明堂還幸北地祠嘗山

四月赦天下行所過毋出田租

太始元年六月赦天下

四年五月赦天下

征和三年五月赦天下

後元元年二月詔曰朕郊見上帝巡于北邊見群鶴

留止以不羅罔靡所獲獻

時春也非用羅罔時故無所獲也

薦于泰

時光景并見其赦天下

孝昭以後元二年二月即位六月赦天下

始元元年七月赦天下賜民百戶牛酒

四年三月甲寅立皇后上官氏赦天下辭訟在後二

年前皆勿聽治

武帝後一年

元鳳元年六月赦天下十月詔曰燕王迷惑失道前

與齊王子劉澤等為逆抑而不揚望王反道自新今

迺與長公主及左將軍桀等謀危宗廟王及公主皆

自伏辜其赦王太子建公主子文信及宗室子與燕

王上官桀等謀反父母同產當坐者皆免為庶人其

州府六部 赦宥一

吏為桀等所誣誤未發覺在吏者除其罪

二年六月赦天下

四年六月赦天下

六年夏赦天下

宣帝以元平元年七月即位九月赦天下

本始元年五月鳳凰集膠東千桑大赦天下賜吏二

千石諸侯相下至中都官宦吏六百石爵各有差自

左更至五大夫賜天下人爵各一級女子百戶牛酒

租稅勿收

四年三月乙卯立皇后霍氏賜丞相已下至郎吏從

官金錢帛各有差赦天下

四月壬寅郡國四十九地震或山摧水出詔曰蓋災

異者天地之戒也朕承洪業奉宗廟託于士民之上

未能和群生迺者地震北海瑯邪壞祖宗廟朕甚懼

焉丞相御史其與列侯中二千石博問經學之士有

以應變輔朕之不逮母有所諱令三輔太嘗內郡國

與賢良方正各一人律令有可蠲除以安百姓條奏

被地震壞敗甚者勿收租賦大赦天下

地節二年四月鳳凰集魯群鳥從之大赦天下

三年四月立皇太子大赦天下

丹府元龜 帝王部 卷之八 八

四年七月大司馬霍禹謀反詔曰迺者東織室令史張赦使魏郡豪李竟報冠陽侯霍雲謀爲大逆朕以大將軍故抑而不揚與其自新今大司馬博陸侯禹與母宣成侯夫人顯及從昆弟冠陽侯雲樂平侯山諸姊妹壻度遼將軍范明友長信少府鄧廣漢中郎將任勝騎都尉趙平長安男子馮殷等謀爲大逆顯前又使女侍醫淳于衍進藥殺共哀后謀毒太子欲危宗廟逆亂不道咸伏其辜諸爲霍氏所誑誤未發覺在吏者皆赦除之

元康元年三月詔曰迺者鳳凰集泰山陳留甘露降未央宮朕未能章先帝休烈恊寧百姓承天順地調序四時獲蒙嘉瑞賜茲祉福夙夜兢兢靡有驕色內省匪懈永惟罔極書不云乎鳳凰來儀廢尹允諸其赦天下徒賜勤事吏中二千石以下至六百石爵自中郎吏至五大夫佐史以上二級民一級女子百戶牛酒加賜鰥寡孤獨三老孝弟力田帛所賑貸勿收二年正月詔曰書云文王作罰刑茲無赦今吏脩身奉法未有能稱朕意朕甚愍焉其赦天下與士大夫勵精更始

神爵二年二月詔曰迺者正月乙丑鳳凰甘露降集

京師群鳥從之萬數朕之不德屢獲天福祇事不怠其赦天下

四年二月詔曰迺者鳳凰甘露降集京師嘉祥并見脩興泰一五帝后土之祠祈為百姓蒙祉福鸞鳳萬舉蜚覽翱翔集止于旁齋戒之暮神光顯著薦覽之夕神光交錯或降于天或登于地或從四方來集于壇上帝嘉饗海內承福其赦天下賜民爵一級女子百戶牛酒鰥寡孤獨高年帛

五鳳元年夏赦徒作杜陵者

三年三月詔曰往者匈奴數為邊寇百姓被其害朕承至尊未能綏安匈奴虛間權渠單于請求和親病死右賢王屠耆堂諸王並自立分為五單于更相攻擊死者以萬數畜產大耗什八九人民饒餓相燔燒以求食因大乖亂單于闕氏子孫昆弟及呼遼累單于名王右伊秩訾且渠當戶以下將衆五萬餘人來降歸義單于稱臣使弟奉珎朝賀正月北邊晏然靡有兵革之事朕飭躬齋戒郊上帝祠后土神光並見或興于谷燭耀齋宮十有餘刻甘露降神爵集已詔有司告祠上帝宗廟三月辛丑鸞鳳又集長樂宮東闕樹上飛下止地文章五色留十餘刻吏民並觀朕

之不敏懼不能任婁婁讀日屢蒙嘉瑞獲茲祉福書不云
 乎雖休勿休祇事不怠公卿大夫其勗焉減天下口
 錢赦殊死已下賜民爵一級女子百戶牛酒大酺五
 日賜鰥寡孤獨高年帛帛甘露二年正月詔曰迺者鳳凰甘露降集黃龍登興
 醴泉滂流枯槁榮茂神光並見咸受禎祥其赦天下
 減民筭三十賜諸侯王丞相將軍列侯中二千石金
 錢各有差賜民爵一級女子百戶牛酒鰥寡孤獨高
 年帛帛元帝初元元年正月辛丑孝宣皇帝葬杜陵賜諸侯

王公主列侯黃金吏二千石以下錢帛各有差大赦
 天下

二年三月詔曰迺者二月戊午地震于隴西郡毀洛太

上皇廟殿壁木飾壞敗獠道縣獠道屬天水音桓城郭官寺

及民室屋壓殺人衆山摧地裂水泉湧出惟天降災

震驚朕師其間者歲數不登元元困乏不勝饑寒以

陷刑辟朕甚閔之郡國被地動災甚者無出租賦赦

天下有可蠲除減省以便萬民者條奏毋有所諱

三年四月詔曰迺者火災降於孝武園館咎在朕躬

百姓仍遭凶阨阨與厄同無以相振加以煩擾乎苛吏拘

州府元龜 赦省一 卷之八十二

牽乎微文不得永終性命朕甚閔焉其赦天下

四年三月行幸河東祠后土赦汾陰徒賜民爵一級

女子百戶牛酒鰥寡高年帛行所過無出租賦

永光元年正月行幸甘泉郊泰畤赦雲陽徒三月詔

曰壬人在位正人俊人也吉士壅蔽重以周秦之弊民漸

薄俗去禮義觸刑法豈不哀哉繇此觀之元元何辜

其赦天下令勵精自新

二年二月詔曰今陰陽未調三光晦昧元元大困流

散道路盜賊并興是皆朕之不明朕自甚耻為民父

母若是之薄謂百姓何其大赦天下

六月詔曰間者連年不收四方咸困於饑饉亡以相

救朕為民父母德不能覆而有其刑甚自傷焉其赦

天下

四年二月詔曰朕承至尊之重不能燭理百姓屢遭

凶咎加以邊境不安師旅在外賦歛轉輸元元騷動

窮困亡聊犯法抵罪夫上失其道而繩下以深刑朕

甚痛之其赦天下所貸民勿收責

建昭二年四月赦天下

四年正月以誅郅支單于告祠郊廟赦天下

五年三月詔曰蓋聞明王之治國也明好惡而定去

冊府元龜 帝王部 卷之八十二 十二

就崇敬讓而民興行故法設而民不犯令施而民從
今朕獲保宗廟兢兢業業匪敢懈怠德薄明暗與暗同
教化淺微傳不云乎百姓有過在予一人其赦天下

成帝以竟寧元年六月卽位七月大赦天下

建始元年二月詔曰迺者火災降於祖廟有星孛于
東方始正而虧咎孰大焉群公孜孜帥先百寮輔朕
不逮崇寬大長和睦凡事怨已毋行苛刻其赦天下
使得自新

二年正月辛巳上始郊祀長安南郊詔曰迺者徙泰
畤后土于南郊北郊朕親飭躬郊祀上帝皇天報應

神光並見赦奉郊縣長安長陵及中都官耐罪徒
三年三月赦天下徒

河平元年四月己亥晦日有食之既詔曰朕獲保宗
廟戰戰栗栗未能奉稱傳曰男教不脩陽事不得則
日爲之蝕天著厥異辜在朕躬公卿大夫其勉悉心
以輔不逮百寮各脩其職倬任仁人退遠殘賊陳朕
過失無有所諱大赦天下

四年正月匈奴單于來朝赦天下徒賜孝弟力田爵
二級

陽朔元年二月丁未晦日有蝕之三月大赦天下



四年二月赦天下

鴻嘉元年二月行幸初陵赦作徒

三年四月赦天下

永始四年春行幸甘泉郊泰畤神光降集紫殿大赦

天下

元延元年四月赦天下

綏和元年正月大赦天下

哀帝以綏和二年四月丙午卽位大赦天下

建平元年正月赦天下

二年四月詔曰漢家之制推親親以顯尊尊定陶恭

皇之號不宜復稱定陶尊恭皇太后曰帝太太后恭

皇后曰帝太后立恭皇廟于京師赦天下徒

六月待詔夏賀良等言赤精子之讖

待詔高祖感赤龍而生白謂赤帝之精賀良等因是作讖文漢家歷運中衰當再

受命宜改元易號詔曰漢興二百載歷數開元皇天

降非材之佑漢國再獲受命之符朕之不德曷敢不

通夫基事之元命基始也始為大事之命必與天下自新其大

赦天下以建平二年為太初元年號曰陳聖劉太平

皇帝陳舜後王莽陳之後謬語以明莽當篡立而不知漏刻以百二十為度

八月詔曰待詔夏賀良等建言改元易號增益漏刻



可以永安國家朕過聽其言異為海內獲福卒亡嘉

應皆違經背古不合時宜六月甲子制書非赦令也

皆蠲除之 言非赦書 事皆除之

元壽元年正月辛丑朔月有蝕之詔曰朕獲保宗廟

不明不敏夙夜憂勞未皇寧息

皇服也

惟陰陽不調元

元不瞻未睹厥咎婁勃公卿庶免有望

婁古屢字

至今有

司執法未得其中

音竹 仲切

或上暴虐假執獲名温良寬

柔陷於亡城是故殘賊彌長和睦日衰百姓愁怨靡

所錯躬

錯置也音 七故切

乃正月朔日有蝕之厥咎不遠在

予一人公卿大夫其各悉心勉帥百寮敦任仁人黜

遠殘賊期於安民陳朕之過失無有所諱其與將軍

列侯中二千石舉賢良方正能直言者各一人大赦

天下

平帝以元壽二年九月卽位大赦天下

元始元年五月丁巳朔日有蝕之大赦天下

九月赦天下徒

四年二月丁未立皇后王氏大赦天下

後漢光武以更始二年六月己未卽位於鄗南千秋

亭五成陌改元建武大赦天下

二年三月大赦天下

六月戊戌立貴人郭氏為皇后子疆為皇太子大赦天下

三年正月壬午大赦天下

六月壬戌大赦天下

四年四月甲申大赦天下

五年二月丙午大赦天下

五月丙子詔曰久旱傷麥秋種未下朕甚憂之將殘

吏未勝獄多寃結元元愁恨感動天氣乎其令中都

官三輔郡國出繫囚

中都官謂京師諸官府也國謂諸侯王國也

罪非犯

殊死一切勿案

殊死謂斬刑殊絕也左傳曰斬其木而弗殊一切權時非久制也見

徒免為庶人務進柔良退貪酷各正厥事焉

六年五月辛丑詔曰惟天水隴西安定北地吏人為

隗囂所誑誤者又三輔遭難赤舂有犯法不道者自

殊死以下皆赦除之是年九月庚子赦樂浪謀反大

逆殊死已下

七年正月丙申詔中都官三輔郡國出繫囚非犯殊

死皆一切勿案其罪見徒免為庶民耐罪亡命吏以

文除之

耐輕罪之名漢書音義曰一歲刑為罰作二歲刑以上為耐耐音乃代切亡命謂犯耐罪

而改名逃者全吏為文簿記其姓名而除其罪恐遂逃不歸因失名籍

四月壬午詔曰比陰陽錯謬日月薄食百姓有過在

予一人大赦天下
十八年七月吳漢拔成都斬史歆等壬戌赦益州所部殊死已下

二十三年九月詔曰日者地震南陽尤甚朕甚懼焉其令南陽勿輸今年田租芻藁其死罪繫囚在戊辰前減死罪一等徒皆弛解鉗衣絛絮舊法徒者不得衣絮今赦許之

二十四年正月乙亥大赦天下

二十九年二月丁巳朔日有蝕之遣使者舉冤獄出繫囚四月詔令天下繫囚自殊死以下及徒各減半罪一等其餘贖罪輸作各有差

中元元年四月己卯大赦天下改元

明帝以中元二年二月戊戌卽位四月詔弛刑及郡國徒在中元元年四月己卯赦前所犯而後捕繫者悉免刑邊人遭亂爲內郡人妻在己卯赦前一切遣還恣其所樂中二千石下至黃綬貶秩贖論者悉皆復秩還贖

永平二年正月祠明堂禮畢登靈臺使尚書令持節詔驃騎將軍三公曰今令月吉日宗祀光武皇帝於明堂以配五帝禮備法物樂和八音詠祉福舞功德其班時令勅群后事畢升靈臺望元氣吹時律觀物

變群寮藩輔京室子孫衆郡奉計百蠻貢職烏桓濊
貊咸來助祭單于侍子骨都侯亦皆陪位斯固聖祖
功德之所致也朕以闇陋奉承大業親執珪璧恭祀
天地仰惟先帝受命中興撥亂反正以寧天下封秦
山建明堂立辟雍起靈臺恢弘大道被之八極而嗣
子無成康之質群臣無呂旦之謀盥洗進爵踰階惟
慙素性頑鄙臨事益懼故君子坦蕩蕩小人長戚戚
其令天下自殊死已下謀反大逆皆赦除之百寮師
尹其勉脩厥職順行時令敬若昊天以綏兆人
十年四月戊子詔曰昔歲五穀登衍今茲蚕麥善收

其大赦天下方盛夏長養之時蕩滌宿惡以報農功
百姓勉務桑稼以備水旱吏敬厥職無令愆墮
十五年四月乙巳大赦天下其謀反大逆及諸不應
宥者皆赦除之

章帝以永平十八年八月壬子卽位十月丁未大赦
天下

建初二年四月戊子詔還坐楚淮陽事徙者四百餘家
令歸本鄉

三年正月己酉宗祀明堂禮畢登靈臺望雲物大赦
天下

元和元年八月詔曰朕道化不德吏政失和元元未
 諭抵罪於下寇賊爭心不息邊野邑屋不脩永惟庶
 事思稽厥衷與凡百君子共弘斯道中心悠悠將何
 以寄其改建初九年爲元和元年郡國中都官繫囚
 減死一等勿笞詣邊縣妻子自隨占著在所其犯殊
 死一切募下蚕室其女子宫繫囚鬼薪白粲以上皆
 減本罪一等輸司寇作亡命者贖各有差

十二月詔曰書云父不慈子不祗兄不友弟不恭不
 相及也往者妖言大獄所及廣遠一人犯罪禁至三
 屬莫得垂纓仕宦王朝如有賢才而沒齒無用朕甚

憐之非所謂與之更始也諸以前妖惡禁錮者一皆
 蠲除之以明棄咎之路但不得在宿衛而已

二年二月東巡狩丙子詔曰朕巡狩岱宗柴望山川

告祀明堂以章先勳其二王之後

禮記曰存二王之
後尊賢不過二代

公羊傳曰二王之後所以通三
王也漢之二王殷周之後也先聖之裔

東觀記曰
孔子後褒

成侯等咸
來助祭東后潘衛

東后謂東方國君也諸侯
爲天子潘屏故曰潘衛

伯兄仲叔季弟幼子童孫

尚書曰刑文皆天子同姓
諸侯有父叔兄弟子孫列

者故摠
而言之百寮從臣宗室衆子要荒四裔

要荒二服名
要服去王城

二千里荒服去王城二千五百里要者言可要約以
文教荒者言其荒忽無嘗也裔遠也謂荒服之外

沙漠之北葱嶺之西

西河舊事曰葱嶺山名在敦煌
西其山高大多葱故以爲名焉

昂彰之類

字書曰彰多須貌音而言其須多象昂其面或曰西域人多著昂而長故舉以為言

也 跋涉懸度

草行曰跋水行曰涉左傳子大叔曰跋涉山川西域傳曰懸度者石山也溪谷

不通以繩索相引而度去

陵棧阻絕駿奔郊時

駿疾也音

陽關五千八百五十里

咸來助祭祖宗功德

延及朕躬予一人空虛久疚纂承尊明

疚病也纂繼也

盥洗

享薦慙媿祗慄詩不云乎君子如祉亂庶遄已

詩小雅遄

速也已止也祉福也鄭玄注云福者福賢者謂爵祿之也如此則亂亦庶幾可疾止也

歷數既

從靈燿著明

歷數既從謂行四分歷也靈燿著明謂日月貞明

亦欲與土大

夫同心自新其大赦天下諸犯罪不當得赦者皆除

之復博奉高瀛無出今年田租芻藁

和帝永元二年五月丁丑大赦天下

三年十二月庚辰帝至自長安減弛刑徒從駕者刑

五年正月乙亥宗祀五帝於明堂遂登靈臺望雲物

大赦天下

六年七月京師旱詔中都官徒各除半刑謫其未竟

五月巳下皆免遣

十一年二月詔郡國中都官徒及篤癯老小女徒各

除半刑未竟三月者皆免歸田里

四月丙寅大赦天下

十四年三月戊辰臨辟雍饗射大赦天下

元興元年四月庚午大赦天下改元宗室以罪絕者復屬籍

安帝永初元年正月癸酉朔大赦天下

六月丁卯赦除諸羗相連結謀反逆者罪

三年正月庚子皇帝加元服大赦天下

四年二月詔自建初以來諸妖言它過坐徙邊者各

歸本郡其没入官為奴婢者免為庶人

三月戊子杜陵園火癸巳郡國九地震四月司隸豫

兗徐青冀六州蝗丁丑大赦天下

五年二月詔隴西徙襄武安定徙美陽上郡徙衙

左傳

戰於彭衙是也北地徙池陽閏月丁酉赦涼州河西四郡

六年六月辛巳大赦天下

元初元年四月丁酉大赦天下

二年十月詔吏人聚為盜賊有悔過者除其罪

三年三月赦蒼梧鬱林合浦南海吏人為賊所迫者

四年二月乙卯大赦天下

永寧元年四月丙寅立皇子保為皇太子改元大赦

天下

建元元年二月癸亥大赦天下七月己卯改元大赦

天下

延光元年三月丙午改元大赦天下還徙者復戶邑屬籍

順帝永建元年正月甲寅詔曰先帝聖德享祚未永早棄鴻烈姦慝緣間人庶怨讟上干和氣疫癘為災朕奉承大業未能寧濟蓋至理之本稽弘德惠蕩滌宿惡與人更始其大赦天下賜男子爵人二級為父後三老孝弟力田三級流民欲自占者一級鰥寡孤獨篤癯貧不能自存者粟人五斛貞婦帛人三尺坐法當徙勿徙亡徒當傳勿傳徒囚逃亡當傳捕者放之弗捕宗室以罪絕皆復屬籍其與閭顯江京等交通者悉勿考勉

脩厥職以康我民

是于秋為皇太子大赦天下

四年正月丙寅詔曰朕託王公之上涉道日寡政失厥中陰陽氣隔寇盜肆暴庶獄彌繁憂悴永歎疾如疾首詩云君子如祉亂庶遄已三朝之會明旦立春嘉與海內洗心自新其赦天下從甲寅赦令已來復秩屬籍三年正月已來還贖其閭顯江京等知識婚姻禁錮一原除之一猶皆也務崇寬和敬順時令遵典去苛以稱朕意

陽嘉元年三月庚寅帝臨辟雍饗射大赦天下改元九月詔郡國中都官繫囚皆減死一等亡命者贖各

有差
三年五月戊戌制詔曰昔我太宗丕顯之德假于上
下儉以恤民政致康乂朕秉事不明政失厥道天地
譴怒大變仍見春夏連旱寇賊彌繁元元被害朕甚
愍之加與海內洗心更始其赦天下自殊死已下謀
反大逆諸犯不當得赦者赦除之

永和元年正月己巳宗祀明堂登靈臺大赦天下
四年四月戊午大赦天下賜民爵及粟帛各有差
漢安元年春正月癸巳宗祀明堂大赦天下
建康元年四月立皇子炳爲皇太子大赦天下賜人

爵各有差

質帝以永嘉元年正月丁丑卽位二月乙酉大赦天
下賜人爵及粟帛各有差還王侯所削戶邑

本初元年六月大赦天下賜民爵及粟帛各有差
桓帝建和元年正月大赦天下賜吏更勞一歲男子
爵人二級爲父後及三老孝弟力田人三級鰥寡孤
獨篤癯貧不能自存者粟人五斛貞婦帛人三尺災
害所傷什四以上勿收錢租其不滿者以實除之
四月詔郡國繫囚減死罪一等勿笞唯謀反大逆不
用此書

二年正月甲子皇帝加元服庚午大赦天下

三年五月乙亥詔曰間者日食毀缺陽光晦暗朕祇

懼潛思匪遘啓處昔孝章皇帝愍前世禁徙故建初

之元並蒙恩澤流徙者使還故郡沒入者免爲庶人

先皇德政可不務乎其自永建元年迄乎今歲凡諸

妖惡支親從坐及吏民減死徙邊者悉歸本郡唯沒

入者不從此令

和平元年正月甲子大赦天下

元嘉元年正月癸酉大赦天下

永興元年正月大赦天下

二年春正月甲午大赦天下

永壽元年正月戊申大赦天下

三年正月己未大赦天下

延熹元年六月戊寅大赦天下

三年正月大赦天下

四年六月京兆扶風及涼州地震庚子岱山及博尤

來山並頽裂己酉大赦天下

六年三月戊戌大赦天下

八年三月辛巳大赦天下

永康元年六月庚申大赦天下悉除黨錮

時李膺等頗引宦者

子弟宦官懼請帝以天時當赦帝許之故除黨錮也

靈帝以建寧元年正月庚子即位二月庚午謁高廟

辛未謁世祖廟大赦天下賜民爵及帛各有差

二年正月丁未大赦天下

四年正月甲子帝加元服大赦天下賜公卿以下各

有差唯黨人不赦

熹平元年五月己巳大赦天下

二年二月壬午大赦天下

三年二月己巳大赦天下

四年五月丁卯大赦天下

五年四月癸亥大赦天下是月使侍御史行詔獄亭

部理冤枉原輕繫囚徒

六年正月辛丑大赦天下

光和元年三月辛丑大赦天下

二年四月丁酉大赦天下諸黨人禁錮小功以下皆

除之

時上祿長和浮上言黨人錮及五族有乖典訓帝乃從之

三年正月癸酉大赦天下

四年四月庚子大赦天下

五年正月辛未大赦天下

六年三月辛未大赦天下

中平元年二月鉅鹿人張角自稱黃天其部帥有三十六萬皆着黃巾同日反三月壬子大赦天下黨人選諸徙者唯張角不赦時中嘗侍呂權言於帝曰黨無救帝懼皆赦之

十二月己巳黃巾平大赦天下

三年二月庚戌大赦天下

四年正月己卯大赦天下

五年正月丁酉大赦天下

少帝以中平六年四月即位大赦天下

光熹元年八月戊辰中嘗侍張讓等劫少帝走小平

津尚書盧植追斬讓等辛未還宮大赦天下改光熹

為昭寧

獻帝以昭寧元年九月甲戌即位大赦天下改元永

漢

初平元年正月山東州郡起兵以討董卓辛亥大赦天下

二年正月辛丑大赦天下

三年正月丁亥大赦天下

五年丁酉大赦天下

六月董卓部曲將李傕等陷長安己未大赦天下



開元元年 赦宥一

卷之六十二

四年正月丁卯大赦天下

興平元年正月辛丑大赦天下改元

二年正月癸丑大赦天下

建安元年正月癸酉郊祀上帝於安邑大赦天下

七月甲子車駕至雒陽丁丑郊祀上帝大赦天下

魏文帝以延康元年十一月庚子受漢禪即位於繁

陽改延康為黃初大赦

黃初五年八月為水軍親御龍舟循蔡潁浮淮幸壽

春揚州界將吏士民犯五歲刑已下皆原除之九月

遂至廣陵赦青徐二州

明帝以黃初七年五月丁巳即位大赦

太和二年三月丁未幸長安四月丁酉還雒陽宮赦

繫囚非殊死已下

五年七月已酉皇太子殷生大赦

青龍二年三月已酉大赦

四年十二月幸許昌宮明年改元景初五月已巳行

還雒陽宮已丑大赦

景初元年十月遼東太守公孫淵叛已卯詔遼東將

吏士民為淵所脅略不得已降者一切赦之

二年四月庚戌大赦

冊子元 帝王部

卷之六十二

齊王以景初三年正月丁亥朔卽帝位大赦七月齊王始親臨朝八月大赦

正始四年四月乙卯立皇后甄氏大赦

嘉平元年正月以誅曹爽丙午大赦

三年三月壬辰大赦天下

四年二月立皇后張氏大赦

五年三月辛亥大赦四月立皇后王氏大赦

高貴鄉公以嘉平六年九月司馬景王廢齊王十月巳丑公卽位詔曰昔三祖神武聖德應天受祚齊王嗣位肆行非度顛覆厥德皇太后深惟社稷之重延

納宰輔之謀用替厥位集大命于予一人以眇眇之身託于王公之上夙夜祗畏懼不能嗣守祖宗之大訓恢中興之洪業戰戰兢兢如臨于谷今群公卿士股肱之輔四方征鎮宣力之佐皆積德累功忠勤帝室庶憑先祖先父有德之臣左右小子用保乂皇家俾朕蒙暗垂拱而治蓋聞人君之道德厚侔天地潤澤施四海先之以慈愛示之以好惡然後教化行於上兆民聽於下朕雖不德昧於大道思與宇內共臻茲慶書不云乎安民則惠黎民懷之大赦改元正元正元二年閏正月壬子以母丘儉文欽平特赦淮南

士民諸為儉欽所誣誤者

三月立皇后卞氏大赦

十一月甲午以隴右四郡及金城連年受敵或亡叛

投賊其親戚留在本土者不安皆特赦之

甘露二年五月以諸葛誕及丙子赦淮南將吏士民

為誕所誣誤者

九月大赦

陳留王以甘露五年六月甲寅嗣位大赦改元景元

賜民爵及穀帛各有差

景元四年十一月大赦是月巴蜀平

咸熙元年二月鍾會反於蜀為衆所討辛卯特赦諸
在益土者

二年五月詔晉王加殊禮癸未大赦

九月乙未大赦

晉武帝以魏咸熙二年十二月丙寅受禪設壇于南


郊卽雒陽宮幸太極前殿詔曰昔朕皇祖宣王聖哲

欽明誕應期運熙帝之載肇啓洪基伯考景王履道

宣猷緝熙諸夏至于皇考文王獻哲光遠允協靈祇

應天順時受茲明命仁濟于宇宙功格於上下肆魏

氏引鑒于古訓儀刑于唐虞疇咨群后爰輯大命於



朕身予一人畏天之命用不敢違惟朕寡昧負荷洪烈託于王公之上以君臨四海惴惴恐懼罔知所濟惟爾股肱爪牙之佐文武不二之臣乃祖乃父實左右我先王光隆我大業思與萬國共饗休祚於是大赦改元泰始賜天下爵人五級鰥寡孤獨不能自存者穀人五斛復天下租賦及關市之稅一年逋債宿負一皆勿收除舊嫌解禁錮亡官失爵者悉復之泰始四年正月丁亥耕于籍田戊子詔曰古設象刑而衆不犯今雖參夷而姦不絕何德刑相去之遠哉先帝深愍黎元哀矜庶獄乃命群后考正典刑朕守

遺業永惟保乂皇基思與萬國以無爲爲政方今陽春養物東作始興朕親率王公卿士耕籍田千畝律令旣就班之天下將以簡法務本惠育海內宜寬有罪使得自新其大赦天下

五年二月赦五歲刑已下

四月曲赦交阯九真日南五歲刑

六年三月赦五歲刑已下

七年五月雍梁秦三州飢赦其境內殊死已下

八月分益州之南中四郡置寧州曲赦四郡殊死已

下



八年六月壬辰大赦

咸寧元年正月戊午朔大赦改元

二年二月甲午赦五歲刑已下十月丁卯臨軒遣太

尉賈克策立皇后楊氏因大赦賜王公已下至于鰥

寡各有差百寮上禮

五年三月星孛于柳四月又孛于女御大赦降除部

曲督以下質任

太康元年三月吳孫皓降乙酉大赦改元大酺五日

恤孤老困窮

十年四月太廟成乙巳遷神主於新廟帝迎於道左

遂裕祭大赦文武增位一等作廟者二等

惠帝以太熙元年四月卽位大赦改元永熙

永平元年三月誅太傅楊駿壬辰大赦改元

元康元年六月賈后矯詔使楚王瑋殺太宰汝南王

亮太保衛瓘乙丑又殺瑋曲赦雒陽

二年八月壬子大赦

四年八月上谷居庸上庸並地陷裂人有死者大饑

九月丙辰赦諸州之遭地災者

六年正月大赦

十月秦雍氏羗叛推齊萬年稱帝乙未曲赦雍涼一



州

八年三月壬戌大赦

永康元年正月癸亥朔大赦改元

四月趙王倫矯詔廢賈后大赦

八月淮南王允舉兵討趙王倫不克遇害曲赦雒陽
十一月甲子立皇后羊氏大赦

永寧元年正月趙王倫篡位四月齊王冏逐倫歸第
乘輿反正癸亥詔曰朕以不德纂承皇統遠不能光
濟大業靖綏四方近不能開明刑威式遏姦宄至使
逆臣孫秀敢肆凶虐窺間王室遂奉趙王倫饗據天

位鎮東大將軍齊王冏征北大將軍成都王穎征西
大將軍河間王顥並以明德茂親忠規允著首建大
策圖救國難尚書灌共立大謀左衛將軍王輿與群
公卿士協同謀略親勒本營斬秀及其二子前趙王
倫爲秀所誤與其子等已詣金墉迎朕幽宮旋軫闔
闔豈在予一人獨饗其慶宗廟社稷實有賴焉於是大
赦改元孤寡賜穀五斛大酺五日誅侯質等及倫之
黨

六年壬辰大赦增吏位二等八月大赦戊辰原徙邊
者

丹元 赦宥一 卷之八十二

太安元年三月赦司冀兗豫四州十二月長沙王乂
攻殺王冏大赦改元

二年正月甲子朔赦五歲八月河間王顥成都王穎
舉兵逼京師帝出幸于城東丙申大赦

永興元年正月成都王穎自鄴諷于帝大赦改元永
安

三月戊申詔曰朕以不德纂承洪緒于茲十有五載
禍亂滔天姦逆仍起至幽廢重宮宗廟圯絕成都王
穎溫仁惠和克平暴亂其以穎為皇太弟都督中外
諸軍事丞相如故大赦賜鰥寡高年帛三疋大酺五

日

七月丙申朔右衛將軍陳豨以詔勒兵討成都王穎
大赦復皇后羊氏及皇太子覃巳亥帝北征軍敗幸

穎軍明日幸鄴庚申大赦改元建武八月匈奴左賢
王劉元海遣王浚攻穎大敗穎奉帝走維陽辛巳大

赦

十一月乙未帝幸長安遺宮在維陽者為留臺承制
行事丙午留臺大赦改元復為永安十二月大赦改

元永興

二年八月辛丑大赦

冊符元 帝王部

卷之八十二

懷帝以光熙元年十一月癸酉即位大赦

永嘉元年正月癸丑太赦改元

三月庚午立豫章王詮為皇太子辛未大赦

八月撫軍苟晞敗汲桑於鄴甲辰大赦幽并司冀兗

豫等六州

二年正月丁未大赦

十二月辛未朔大赦

三年三月丁巳東海王越勒兵收近臣中書令繆播

等害之丙寅曲赦河南郡

四年正月乙丑朔大赦

六年九月雍州刺史賈疋奉秦王為皇太子大赦

愍帝建興元年壬申即位大赦改元

二年正月己巳朔黑霧五日乃止辛未隕于地三日

出西方丁未大赦

三年四月大赦

六年丁未地震辛巳大赦

册府元龜

帝王部

卷之六十二

三十四

册府元龜 赦宥一

卷之八十一

太平二年春正月大赦
 太平四年春正月大赦
 太平五年夏五月大赦
 太平六年春正月大赦
 太平七年春正月大赦
 太平八年春正月大赦
 太平九年春正月大赦
 太平十年春正月大赦
 太平十一年春正月大赦
 太平十二年春正月大赦
 太平十三年春正月大赦
 太平十四年春正月大赦
 太平十五年春正月大赦
 太平十六年春正月大赦
 太平十七年春正月大赦
 太平十八年春正月大赦
 太平十九年春正月大赦
 太平二十年春正月大赦
 太平二十一年春正月大赦
 太平二十二年春正月大赦
 太平二十三年春正月大赦
 太平二十四年春正月大赦
 太平二十五年春正月大赦
 太平二十六年春正月大赦
 太平二十七年春正月大赦
 太平二十八年春正月大赦
 太平二十九年春正月大赦
 太平三十年春正月大赦
 太平三十一年春正月大赦
 太平三十二年春正月大赦
 太平三十三年春正月大赦
 太平三十四年春正月大赦
 太平三十五年春正月大赦
 太平三十六年春正月大赦
 太平三十七年春正月大赦
 太平三十八年春正月大赦
 太平三十九年春正月大赦
 太平四十年春正月大赦
 太平四十一年春正月大赦
 太平四十二年春正月大赦
 太平四十三年春正月大赦
 太平四十四年春正月大赦
 太平四十五年春正月大赦
 太平四十六年春正月大赦
 太平四十七年春正月大赦
 太平四十八年春正月大赦
 太平四十九年春正月大赦
 太平五十年春正月大赦
 太平五十一年春正月大赦
 太平五十二年春正月大赦
 太平五十三年春正月大赦
 太平五十四年春正月大赦
 太平五十五年春正月大赦
 太平五十六年春正月大赦
 太平五十七年春正月大赦
 太平五十八年春正月大赦
 太平五十九年春正月大赦
 太平六十年春正月大赦
 太平六十一年春正月大赦
 太平六十二年春正月大赦
 太平六十三年春正月大赦
 太平六十四年春正月大赦
 太平六十五年春正月大赦
 太平六十六年春正月大赦
 太平六十七年春正月大赦
 太平六十八年春正月大赦
 太平六十九年春正月大赦
 太平七十年春正月大赦
 太平七十一年春正月大赦
 太平七十二年春正月大赦
 太平七十三年春正月大赦
 太平七十四年春正月大赦
 太平七十五年春正月大赦
 太平七十六年春正月大赦
 太平七十七年春正月大赦
 太平七十八年春正月大赦
 太平七十九年春正月大赦
 太平八十年春正月大赦
 太平八十一年春正月大赦
 太平八十二年春正月大赦
 太平八十三年春正月大赦
 太平八十四年春正月大赦
 太平八十五年春正月大赦
 太平八十六年春正月大赦
 太平八十七年春正月大赦
 太平八十八年春正月大赦
 太平八十九年春正月大赦
 太平九十年春正月大赦
 太平九十一年春正月大赦
 太平九十二年春正月大赦
 太平九十三年春正月大赦
 太平九十四年春正月大赦
 太平九十五年春正月大赦
 太平九十六年春正月大赦
 太平九十七年春正月大赦
 太平九十八年春正月大赦
 太平九十九年春正月大赦
 太平一百年春正月大赦

册府元龜

淮南李嗣京參閱

西極文翔鳳訂正

豫章黃國琦較釋

帝王部 八十三

赦宥第二

晉元帝建武元年三月辛卯即晉王位大赦改元其
 殺祖父母父母及劉聰石勒不從此令
 太興元年三月丙辰即皇帝位大赦改元文武增位
 二等

册府元龜 帝王部

卷之八十一

二年十二月乙亥大赦 臣欽若等曰諸只言大赦者按本史別無赦文

永昌元年正月乙卯大赦改元

明帝以永昌元年閏十一月庚寅即位大赦

太寧二年正月庚辰赦五歲刑已下

七月王敦舉兵向闕遣其兄含等至南岸帝躬率六

軍出攻南皇堂王含兵敗敦憤惋死丁酉帝還宮大

赦惟敦黨不原

三年三月戊辰立皇子衍為皇太子大赦增文武位

二等大酺三日賜鰥寡孤獨帛人二疋

成帝以大寧三年閏三月乙丑即位大赦增文武位

二等賜鰥寡孤老帛人二疋

咸和元年二月丁亥大赦改元大酺五日賜鰥寡孤

老米人二斛京師百里內復一年十月庚辰赦百里

內五歲刑已下

四年二月蘇峻平丁亥大赦

五年正月己亥大赦

七年正月辛未大赦

八年正月辛亥朔詔曰昔大賊縱暴宮室焚蕩元惡

雖翦未暇營築有司屢陳朝會逼狹遂作斯宮子來

之勞不日而成既獲臨御大饗群后九賓充庭百官



象物知君子勤禮小人盡力矣思蠲密網咸同斯會其赦五歲刑以下

咸康元年正月庚午朔帝加元服大赦改元增文武祿位一等大酺五日賜鰥寡孤獨不能自存者米五斛

二年正月辛亥立皇后杜氏大赦增文武位一等六年三月丁卯大赦

八年正月乙丑大赦康帝以咸康八年六月甲午即位大赦建元元年十一月己巳大赦

穆帝以建元二年九月己亥即位大赦永和二年正月丙寅大赦

三年六月辛酉大赦五年正月辛巳朔大赦九年正月乙卯朔大赦

升平元年正月壬戌朔帝加元服大赦改元八月丁未立皇后何氏大赦賜孝悌鰥寡米五斛連

租宿債皆勿收大酺三日五年正月戊戌大赦賜鰥寡孤獨不能自存者人米

五斛

冊府元龜 帝王部 卷之八十三 三

三

哀帝以升平五年五月庚申卽位大赦

隆和元年正月壬子大赦改元

興寧元年二月己亥大赦改元九月癸亥以皇子生

大赦

廢帝以興寧三年二月丙申卽位大赦

太和元年五月江夏相朱序攻司馬勲於成都衆潰

斬勲九月甲午曲赦梁益二州

三年三月丁巳朔日有蝕之癸亥大赦

六年四月戊午大赦

簡文帝咸安元年十一月己酉卽位戊午詔曰王室

多故穆哀早世皇喬夙遷神器無主東海王以母弟
近屬入纂大統嗣位經年昏闇亂常人倫虧喪大禍
將及則我祖宗之靈靡知所託皇太后深懼皇基特
定大計司馬因順天人協同神畧親帥群后恭承明
命雲霧旣除皇極載清乃顧朕躬仰承洪緒雖伊尹
之寧殷朝博陸之安漢室無以尚也朕以寡德猥居
元首實懼眇然不克負荷戰戰兢兢罔知攸濟思與
兆庶更始其大赦天下大酺五日增文武位二等賜
孝順忠貞鰥寡孤獨米人五斛
孝武帝以咸安二年七月己未卽位詔曰朕以不造

菴丁閔凶號天叩地靡知所訴藐然幼冲眇若綴旒
深惟社稷之重大懼不克負荷仰憑祖宗之靈積德
之祀先帝淳風玄化遺澤在民宰輔英賢勲隆德盛
顧命之託寔賴規訓群后率職百寮勤政奠孤弱之
躬有寄皇極之基不墜先恩遺惠播于四海思弘餘
潤以康黎庶其大赦天下與民更始

寧康二年正月癸未朔大赦

三年正月辛亥大赦八月癸巳立皇后王氏大赦文

武加位一等

大元元年正月壬寅朔帝加元服見于太廟皇太后

歸政甲辰大赦改元

五月癸丑地震甲寅詔曰頃者上天垂鑒譴告屢彰

朕懼焉震惕于心思所以議獄緩死赦過宥罪庶因

大變與之更始於是大赦增文武位各一等

四年正月辛酉大赦郡縣遭水者減租稅

五年四月癸酉大赦五歲刑以下

五月甲子比歲荒儉大赦五日太元三年已前逋租

宿債皆蠲除之

六年七月丙子赦五歲刑已下

八年二月辛巳大赦十二月庚午以符堅寇難初平



大赦

九年十一月乙丑以玄象乖度大赦

十年八月甲午大赦

十二年正月丁未大赦八月辛巳立皇子德宗為皇

太子大赦增文武位二等大酺五日

十五年三月戊辰大赦

十七年正月己巳朔大赦除逋租宿債

安帝以太元二十一年九月辛酉即位大赦

隆安元年四月戊戌兖州刺史王恭等舉兵以討尚

書左僕射王國寶建威將軍王緒為名甲申殺國寶

緒以說恭等乃罷兵戊子大赦

二年九月王恭敗收送京師斬之十月丙子大赦

四年正月乙亥大赦七月丁卯大赦

元興元年正月庚午朔大赦改元十二月庚申曲赦

廣陵彭城大逆以下

三年三月桓玄逼帝西上密詔武陵王遵依舊典承

制總百官大赦謀反大逆以下惟桓玄一祖之后不

宥五月督護馮遷斬桓玄乘輿反正于江陵詔曰姦

兇篡逆自古有之朕不能式遏杜漸以致播越賴鎮

軍將軍裕英略奮發忠勇絕世冠軍將軍毅等誠心



宿著協同嘉謀義穀既振士庶效節社稷載安四海
共慶其大赦凡諸畏逼事屈逆命者一無所問

義熙元年正月帝在江陵振武將軍劉道規擊走桓

謙詔曰朕以寡德夙纂洪緒不能緝熙遐邇式遏姦

宄逆臣桓玄乘釁肆亂乃誣罔天人篡據極位朕躬

播越淪胥荒裔宣皇之基眇焉以墜賴鎮軍將軍忠

武英斷誠冠終古運謀機始貞賢協其契救涖誓衆

義士感其心故霜戈一揮巨猾奔逆三率稜威大憝

授首而孽振猖狂振玄 故將嗣凶荆郢幸天祚社稷義旗

載捷狡徒沮潰朕獲反正斯實宗廟之靈勤王之勲

豈朕一人獨享伊祐思與億兆幸茲更始其大赦改

元唯玄振一祖及同黨不在原例賜百姓爵二級鰥

寡孤獨穀人五斛大酺五日

三年二月己酉大赦

五年正月辛卯大赦

六年五月己未以廣州刺史盧循反衛將軍劉毅與

循戰敗於桑落洲大赦

十一年正月庚午大赦九月己巳大赦

十二年八月丙午大赦

十四年正月辛巳大赦

後魏道武初為代王登國七年生子嗣於雲中帝晚有子聞大悅大赦天下

天興元年十有二月己丑帝臨於天文殿太尉司徒進璽綬即皇帝位大赦改元

二年正月甲子祀上帝于南郊乙丑大赦京師天賜元年十月辛巳大赦改元

明元永興元年十月壬申即位大赦改元五年五月乙亥行幸雲中舊宮丙子大赦天下

神瑞元年正月辛酉以祥瑞頻集大赦改元泰常元年四月壬子大赦改元

七年十月帝南巡為奚斤南討穀援十一月丙午曲赦司州殊死已下

太武以泰常八年十一月壬申即位大赦天下神龜元年四月戊午大赦天下

三年正月壬寅大赦天下延和元年正月丙午立皇子晃為皇太子謁于太廟

大赦改元太延元年正月甲申大赦改元

四年五月戊寅大赦天下太平真君元年六月丁丑皇孫濬生大赦改元



九年十月大赦改元

十一年九月皇太子北伐曲赦定冀相三州死罪以

下

王平元年五月壬寅大赦

文成興安元年十月戊申即位大赦改元

二年八月戊戌詔曰諸殊死以下各降罪一等

興光元年二月帝至道壇登受圖籙禮畢還京師班

賞各有差七月庚午皇子生大赦改元

太安元年三月己亥詔曰今始奉世祖恭宗神主於

太廟又於西宛遍秩群神朕以大慶饗賜百寮悉犯

罪之人獨卽刑戮非所以子育群生矜及衆庶夫聖

人之教自近及遠是以周文刑於寡妻至于兄弟以

御于家邦化苟從近恩亦宜然其曲赦京師死囚以

下六月壬戌名皇子曰弘曲赦京師城改年

二年二月丁巳立皇子弘爲皇太子大赦天下十月

甲午以幸河西還曲赦京師

四年九月丙寅以太華殿成饗群臣大赦天下

五年三月庚寅曲赦京師死罪已下

和平元年五月甲子朔大赦改元

六年正月丙申大赦天下



獻文以和平六年五月甲辰卽位大赦天下九月庚

子曲赦京師

天安元年正月乙丑朔大赦改元三月辛亥帝幸道

壇親受符籙曲赦京師

皇興元年八月戊申皇子生大赦改元

二年六月庚辰以河南關地曲赦京師殊死以下

三年四月丙申各皇子日宏大赦天下

四年四月辛丑大赦天下

孝文以皇興五年八月丙午卽位大赦天下改元延

興

延興二年五月曲赦京師河西南至秦涇西至抱罕

北至涼州及諸州

四年七月己卯曲赦仇池

五年六月壬申曲赦京師死罪遣備蠕蠕

承明元年六月壬申大赦改元九月丁亥曲赦京師

十月辛未建明佛寺大宥罪人

太和元年八月壬子大赦天下

二年九月丙辰曲赦京師

三年三月甲辰曲赦京師十月己巳朔大赦天下

四年六月丁卯以澍雨大洽曲赦京師



五年二月辛卯朔大赦天下賜孝悌力田孤貧不能
自存者穀帛有差免官人年老者還其所親

六年正月甲戌大赦天下

七年閏四月癸丑皇子生大赦天下

十年六月己卯名皇子曰恂大赦天下

十六年四月丁亥朔班新律令大赦天下

十九年四月帝自南伐齊廻曲赦徐豫二州其運漕
之士復租賦二年十一月甲申有事於園丘丙戌大
赦天下

二十年十月己酉曲赦京師

二十二年十月帝北伐叛虜發懸弧曲赦兗豫殊死
以下復民田租一歲

二十三年正月伐齊至自鄴告於社廟癸卯行飲至
策勲之禮甲辰大赦天下

宣武以太和二十三年四月丁巳卽位於魯陽大赦
天下

景德元年正月乙巳大赦改元

二年二月大赦天下七月辛丑大赦天下

正始元年正月丙寅大赦六月甲午以歲旱錄京師
見囚殊死已下皆減一等鞭杖之坐悉皆原之

三年正月丁卯朔皇子生大赦天下八月戊申以大破秦賊降呂苟兒秦涇二州平曲赦涇秦岐原河五州

永平元年八月丁卯大赦改年

三年三月丙戌皇子詡生大赦天下

延昌元年四月乙酉大赦改元

三年六月曲赦揚州八月辛卯詔曰自頃水旱互侵頻年饒儉百姓窘弊多陷罪辜煩刑之愧朕用懼矣其殺人掠賣之群強盜首及雖非首而殺傷財主曾經再犯公斷王路劫奪行人者依法行決自餘恕死

徒流已下各准減降

孝明以延昌四年正月丁巳卽位戊午大赦天下七月戊子帝朝太后於宣光殿大赦天下

熙平元年正月戊辰朔大赦改元

二年正月甲戌大赦天下

神龜元年二月己酉詔以神龜表瑞大赦改年八月癸丑詔曰朕冲昧纂曆未閑政道皇太后殷憂在疚始覽萬機故獄犴淹枉百姓冤弊言念繁刑思存降省京師見囚殊死以下可悉減一等

二年二月乙亥大赦天下十一月庚午大赦天下

正光元年七月辛卯帝加元服大赦改年內外百官
進位一等

五年六月丁酉大赦

孝昌元年二月戊戌大赦六月癸未大赦改年九月

辛未曲赦南北兩秦州

二年四月大赦天下六月己巳曲赦齊州又曲赦平

陽建興正平三郡

三年正月甲申曲赦關西及正平平陽建興等郡七

月己丑大赦天下十月戊申曲赦嘗農巴西河北平

陽郡及關西諸州

武泰元年正月乙丑皇女生秘言皇子丙寅大赦改

元二月甲寅皇子卽位大赦天下

孝莊建義元年四月戊戌卽位庚子巡幸河西時爾

朱榮作逆殺靈太后諸王公卿等二千餘人列騎衛

帝遷于便幕旣而稽顙謝過辛丑入宮御太極殿詔

曰太祖誕命應期龍飛燕代累世重光載隆帝緒冀

欲闡茲洪業永永無窮豈圖多難邁茲百六致使妖

悖四起內外競侵朝無恤政之臣野多怨酷之士寔

繇女主專朝致茲顛覆孝明皇帝天性冲順深存隱

忍奄棄萬國衆用疑焉苟求胡出入守神器凡厥有

心莫不辭體太原王榮世抱忠孝功格今古赴義晉陽大會河雒乃推翼朕躬膺茲大命德謝少康道愧前緒猥以眇身君臨萬國如涉淵海罔知所濟可大赦天下改武泰爲建義元年從太原王督將軍士普加五階在京文官兩階武官三級

永安元年九月乙亥以平葛榮大赦天下改元

二年四月癸未遷肅祖文穆皇帝文穆皇后神主于太廟曲赦畿內死罪至流人減一等刑以下悉免五月北海王顥爲梁高祖立爲魏主是月入雒帝北巡狩七月顥敗走庚午帝入居華林園升大夏門大赦

天下

三年四月甲戌以關中平大赦天下九月辛卯天柱大將軍爾朱榮上黨王天穆自晉陽來朝戊戌帝殺榮天穆於明光殿及榮子儀同三司菩提乃升閭闔門詔曰蓋天道忌盈人倫嫉惡踈而不漏刑之無捨是以呂霍之門禍譴所伏梁董之家咎徵斯在頃孝昌之末天步孔艱女主亂正監國無主爾朱榮爰自晉陽同憂王室義旗之建大會盟津與世樂推共成洪業論其始圖非無勞効但致遠恐泥終之實難曾未崇朝豺豸已露河陰之役安忍無親王公卿士一

朝塗地宗戚靡遺內外俱盡假弄天威殆危神器時
事倉卒未遑問罪尋以葛賊橫行馬首南向因便乘
勢用平醜虜及元顥問鼎大駕北巡復致勤王展力
所行以此論功且可補過既位極宰衡地踰齊魯容
養之至豈復是過但心如猛火山林無以供其暴意
等漏卮江河無以充其溢既見金革稍寧方隅漸泰
不推天功專爲己力與奪任情臧否肆意無君之跡
日月以甚拔髮數罪曾未能紀而乃包藏姦宄陰圖
釁逆睥睨天居窺覲聖曆乃有裂冠毀冕之心將爲
拔本塞源之事天旣厭亂人亦悔禍同惡之臣密來

投告將在必誅罪無容捨又元天穆宗室末屬名望
素微遭逢際會頗叅義舉不能竭其忠誠以奉國家
乃復棄本逐末背同卽異爲之謀主成彼禍心是而
可忍孰不可忍並已伏辜自貽伊戚元惡旣除人神
慶泰可大赦天下十月戊申皇子生大赦天下文武
百寮汎加二級

前廢帝普泰元年二月己巳卽位登闈闔門大赦詔
曰朕以寡薄撫臨萬邦思與億兆同茲慶泰可大赦
天下以魏爲大魏改建明二年爲普泰元年除名免
官者特復本資品封依舊

後廢帝中興元年十月壬寅卽皇帝位於信都城西
升壇焚燎大赦元年

出帝太昌元年四月戊子卽位升闔闔門詔曰否泰
相沿廢興互有玄天無所隱精識弗能喻大魏統乾
德漸巨寓牢籠九服旁薄三光而上天降禍運距多
難禮樂傾淪憲章漂滅赫赫宗周翦爲戎寇肅肅清
廟將成茂草胡羯乘機肆其昏虐殺君害主剗剔海
內競其吞噬之意不識醉飽之心自書契以來未有
若斯者也大丞相渤海王忠存今朝精貫白日爰舉
義旗志雪國耻故廣門之軍貔虎奪氣鄴下之師金

湯失險近者四胡相率定繁有徒驅天下之兵盡華
戎之銳桴鼓暫交一朝盪滅元兇授首大憝斯擒揚
旆濟河掃清伊維士民安堵不失舊章社稷危而復
安洪基毀而還構朕以託體宸極猥當樂推祇握寶
圖承茲大業得以眇身託於王公之上若涉淵水罔
識攸濟思與兆民同茲嘉慶可大赦天下改中興二
年爲太昌元年
永熙元年十二月大赦天下改太昌爲永興以明元
年號尋改爲永熙

三年二月壬戌大赦天下八月幸長安以雍州公廨

爲宮大赦

文帝以大統元年三月戊申卽位大赦改元

九年七月大赦

後周閔帝元年正月辛丑卽天王位柴燎告天大赦天下四月壬申詔死罪以下各降一等八月辛未詔曰朕甫臨大位政教未孚使乎民庶多陷刑網今秋律已應將行大戮言念群生責在於朕宜弘肆眚與其更新其犯死者宜降從流流已下各降一等不在赦限者不從此降

明帝九年九月甲子卽天王位大赦天下十一月丁

巳詔曰帝王之道以寬仁爲大諸有輕犯未至重罪及諸村民一家有犯乃及數家而被遠配者並放還十二月戊子赦長安見囚

二年四月辛未降死罪一等五歲刑已下皆原之七月丙申順陽獻三足鳥八月甲子詔曰夫天不愛寶地稱表瑞莫不威鳳巢閣圖龍躍沼豈直日月珠連風雨玉燭是以鉤命決曰王者至孝則出元命苞曰人君至治所致虞舜蒸蒸來茲異祉周文翼翼翔此靈禽文考至德下覃遺仁爰被遠符千載降斯三足將使三方歸本九州翕定惟此大禮景福在民予安

敢讓宗廟之善弗宣大惠可大赦天下文武官並奏
二級十二月壬午大赦天下

武成元年八月己巳改天王稱皇帝大赦改元

武帝以武成二年四月壬寅卽位大赦天下

保定元年七月詔曰亢旱歷時嘉苗殄悴豈獄犴失

理刑罰失衷歟其所在見囚殊死以下一歲刑以上

各降本罪一等百鞭以下悉原免之

二年五月庚午以山南衆瑞並集大赦天下百官及

軍人普加二級南陽宛縣三足烏所集免今年役及

租賦之半

三年七月幸原州津門問百年降死罪一等

四年九月以皇世母閻氏自齊至

大冢宰宇文護之母

大赦天

下

天和元年正月癸未大赦改元百官普加四級

三年三月甲辰大赦天下亡官失爵並聽復舊

五年六月庚子以皇女生降宥罪人並免逋租懸調

等

建德元年正月戊子幸玄都觀御法座講說公卿道

俗論難事畢還宮降死罪及流罪一等其五歲刑已

下普宥之三月誅大冢宰宇文護大赦改元四月立

魯國公贇爲皇太子大赦天下百官各加封級

三年二月丙辰詔曰民生而靜純懿之性本均感物而遷嗜欲之情斯起雖復雲鳥殊世文質異時莫不限以隄防示之禁令朕君臨萬寓覆養黎元思振頽綱納之懿式比因人有犯與衆棄之所在群官有愆過者咸聽首露莫不輕重畢陳纖毫無隱斯則風行草偃從化無違導德齊禮庶幾可致但上失其道有自來矣陵夷之弊反本無繇宜加蕩滌與民更始可大赦天下八月乙未詔自建德元年八月以前犯罪未被推糾於後事發失官罰者並聽復舊十月行幸

蒲州乙卯曲赦蒲州見囚大辟以下

五年十二月親征太原擒北齊安德王高延宗平并州壬戌詔曰昔天厭水運龍戰於野兩京圯隔四紀于茲朕垂拱巖廊君臨宇縣相邠民於海內混楚弓於天下一物失所有若推溝方欲德綏未服義征不諱僞王高緯放命燕齊怠慢典刑倣擾天紀加以背惠怒隣棄信忘義朕應天從物伐罪吊民一鼓而蕩平陽再舉而摧勅敵僞署王公相繼道左高緯知窮數屈逃竄草間僞安德王高延宗擾攘之間遂竊名號與僞昌齊王莫多婁敬顯等收合餘燼背城借一

王威既振魚潰鼻離破竹更難建瓴非易延宗衆散
衿甲軍門根本既傾枝葉自賈幽青海岱折簡而來
冀北河南傳檄可定八紘共貫六合同風行當偃甲
靈臺休牛桃塞無疆之慶非獨在余漢皇約法除其
苛政姬文輕典刑彼新邦思覃惠澤被之率上新舊
臣民皆從蕩滌可赦天下高緯及王公以下若釋然
歸順咸許自新諸入僞朝亦從寬宥官榮次序依例
無失其齊制僞令卽宜削除鄒魯縉紳幽并騎士一
介可稱並宜銓錄百年去殺雖或難希暮月有成庶
幾可勉

六年正月甲午平北齊帝入鄴詔去年大赦班宣未
及之處皆從赦例

宣帝大成元年正月癸巳朔受朝於露門大赦二月
傳位於太子衍自稱天元皇帝所居稱天臺大赦天
下改大成年爲大象元年

二年四月天元皇帝詔曰朕以寡薄昧於治方不能
使天地休和陰陽調序自春涉夏甘澤未豐旣斬西
郊之嘆時虧南畝之業興言夕惕無忘鑒寐良繇德
化未敷政刑多舛萬方有罪責在朕躬思覃寬惠被
之率土見囚死罪並降從流流從徒五歲刑已下悉

皆原宥其反叛惡逆不道及嘗赦所不免者不在降
例

靜帝以大象二年五月入居天臺大赦天下七月破
尉遲迥詔曰朕祗承洪業二載於茲藉祖考之休憑
宰輔之力經天緯地四海晏如逆賊尉遲迥才質凡
庸志懷姦慝因緣戚屬位冠朝倫屬上天降禍先皇
晏駕萬國深鬲湖之痛四海窮遐客之悲獨幸天災
欣然放命稱兵擁衆便懷問鼎乃詔六師肅茲九伐
而兇徒孔熾充原蔽野諸將肆雷霆之威壯士縱貔
貅之勢芟夷剪拂所在如莽直指漳濱擒斬元惡群

醜喪魄咸集轂下順高秋之氣就上天之誅兩河妖
孽一朝清蕩自朝及野喜忭相趨昔上皇之時不言
爲治聖人宰物有教而已未戢干戈實深慙德思弘
寬簡之政用副億兆之心可大赦天下其共迥元謀
執迷不悞及迥子姪逆人司馬消難王謙等不在赦
例

隋高祖開皇元年二月甲子卽位大赦四月辛巳大
赦

三年正月庚子將入維陽新都大赦天下五月丙寅
赦黃龍死罪已下

四年六月庚子降囚徒

五年十二月丁未降囚徒

六年二月庚子大赦天下

七年十月庚申行幸同州以先帝所居降囚徒

九年十一月甲寅降囚徒

十三年九月丙辰降囚徒

十五年正月庚午帝以歲旱祠泰山以謝憊咎大赦

天下四月巳丑朔大赦天下

十九年正月癸酉大赦天下

仁壽元年正月乙酉朔大赦改元

四年正月丙辰大赦

煬帝大業元年正月壬辰朔大赦改元

二年四月辛亥御端門大赦免天下今年租賦

三年四月甲申頒律令大赦天下關內復給三年

四年八月辛酉親祠五丘河北道郡守畢集大赦天

下車駕所經郡縣免一年租調

五年六月戊午帝在張掖大赦天下開皇已來流配

悉放還鄉晉陽逆黨不在此例隴右諸郡給復三年

八年四月丙申詔曰天地施化生育之德既弘皇王

建極戡濟之功斯大故能經綸四海撫育萬方朕嗣

膺靈命屬當負荷思隆景業克播鴻猷晷緯不占之鄉咸被穀教梯航所絕之域罔弗來庭而遼左島夷獨懷逆命惡甚夙沙罪深獯獫朕奉遵先志躬行吊伐爰整六師親麾三令上憑宗廟之靈實賴幽明之德歷代通醜一鼓大定憬彼遐裔萬里肅清今凱旋云及長羸布氣宜順茲含養與物惟新可大赦天下自大業八年四月十六日昧爽已前大辟罪已下已發覺未發覺已結正未結正繫囚見徒罪無輕重皆赦除之其嘗赦所不免謀反大逆妖言惑衆語及國家並不在赦例其諸郡供軍事者並給復一年其所

役丁夫匠至涿郡者復二年至臨榆關已西者復三年至柳城已西者復五年至通定鎮已西者復七年至渡遼鎮者復十年流配未達前所亦宜放免除名解官併聽收叙其鰥寡孤獨不能自存者量加賑贍高年之老賜以束帛并賜天下大酺五日女子百戶牛酒孝悌力田義夫節婦并加旌異表其門閭遼左之民新霑皇化宜遣刑部尚書正議大夫衛文昇守尚書左丞劉士龍等巡撫存問仍給復十年卽置郡縣以相統攝若有奇能異等隨才任用同之齊民無隔夷夏

九年正月戊戌大赦十月乙酉詔曰博陵昔爲定州地居衝要先皇歷試所基王化斯遠故以道冠幽風義高姚邑朕巡撫氓庶爰屆茲邦瞻望郊廛懷敬思止所以宣播德澤覃被下人崇紀顯號式光令緒可改博陵爲高陽郡赦境內死罪已下給復一年於是召高祖時故吏皆量才叙職

十年十二月壬申帝如東都是日大赦天下

十一年八月突厥圖帝於雁門九月解圖而去丁未曲赦太原雁門郡死罪已下

恭帝義寧元年十一月壬戌卽位於大興殿詔曰王

道喪亂天步不康古往今來代有其事屬之於朕逢此日罹彼蒼者天胡寧斯忍襁褓之歲夙遭閔凶孺子之辰太上播越興言感動寔疚于懷太尉唐公膺期作宰時稱舟楫大拯橫流糾合義兵翼戴皇室與國咸休再造區夏爰奉明詔弼予幼冲顯命光臨天威咫尺對揚尊號悼心失圖一人在遠三讓不遂僞俛南面屑身無所苟利社稷莫敢或違俯從群議奉遵聖旨可大赦天下改大業十三年爲義寧元年十一月十六日昧爽已前大辟罪已下皆赦除之常赦所不免者不在赦例

唐高祖武德元年五月甲子卽皇帝位于太極殿下
詔曰舜禹殊時禪代存乎揖讓殷周異世革命事乎
干戈至於據龍圖握鳳紀統御皇極撫輯黎民奄有
四方朝宗萬國垂法作訓其揆一焉朕以寡薄屬彼
澆季大業末年綱維廢弛三光改耀九服移心旣戡
定時難輯和庶績一正海內再造黎元隋氏以天祿
永終曆數攸在敬禪厥位授于朕躬顧惟慙德屬當
景運懼甚履冰凜乎御朽上答蒼靈之睠俯順億兆
之心寶曆初基溥天同慶所宜布茲寬惠咸與惟新
可大赦天下改隋義寧二年爲武德元年自五月二

十日昧爽已前罪無輕重已發露未發露皆赦除之
子殺父奴殺主不在赦限百官及庶人賜爵一級義
師所行之處給復三年自餘給復一年孝子順孫義
夫節婦旌表門閭孝悌力田鰥寡孤獨量加賑卹
二年二月甲午詔曰赦過宥罪哲王彞訓錄舊念功
有國通典汾晉之地王迹所基戮力齊心夷凶靜亂
惟彼士庶義越嘗倫犯禁陷刑宜從洗滌其并州浩
州石州介州賈胡堡以北自武德二年二月二十四
日以前犯辟罪已下已發覺繫囚見徒悉從原放五
月癸未詔曰朕恭膺寶命綏靜氓黎思俾宇內躋於

仁壽而河湟之表比罹寇賊勾連凶醜擁隔朝風元
元之民匪遑寧宴夙興軫慮旰食忘疲重勞師旅下
令討擊馭以遐筭且事招懷而慕化之徒乘機立効
兵不血刃費無遺鏃今凶狡卽夷西垂克定遠人悅
附改道惟新宜播惠澤與之更始可幽赦涼茸瓜鄯
肅會蘭河廓九州自武德二年五月十六日以前罪
無輕重已綏繫囚見徒悉從原免桀犬吠堯非無前
喻弃瑕蕩穢列聖通規有惡言不順及邪謀惑計者
並從洗滌一無所問十月高祖幸華陰送出師也下
詔曰朕祇膺靈命君臨區宇承凋弊之餘拯橫流之

難雖復蠲除徭賦督課耕農安集黎元與之休息然
而鯨鯢未翦四海多虞師旅游興事不獲已及其士
卒浮惰苟求逸樂憚於征役離其營伍因此逃竄潛
匿崎嶇盜竊焉資規免朝夕良繇勸勵不明部署失
所弛慢之責在於朕躬琴瑟不調已云變革多墜刑
網情兼軫悼宜從寬宥許以自新其義士募人有背
軍逃亡者自武德二年十月二十日以前罪無輕重
皆赦除之饑寒困弊不能自存者所在官司隨事賑
給

三年六月庚申詔曰朕發跡太原陳師汾澮底定皇

室廓清函夏惟彼晉魏事等豐窳近者妖寇憑陵侵
斥郊境害虐良善擁逼吏民大軍東討義存極難芟
夷醜類實在吊民凡厥渠魁已就殲殄脅從之輩情
有可原宜許自新義深蕩滌滌其晉州潞州隰州并州
等四摠管內自武德三年四月二十二日以前被劉
武周宋金剛等所誑誤者罪無輕重皆赦除之各令
復業一所不問州縣城堡有固守忠節抗禦凶徒者
具錄聞奏別加褒賞

四年二月丁巳詔曰祝網泣辜彰乎舊典赦過宥罪
著自前經往者劉武周竊據邊陲擁逼良善石嶺以

北皆罹其弊雖復武周奔竄寄命蕃夷而殘黨餘氛
尚懷旅拒致使朔漠猶警關塞未寧屢動干戈久違
穀教代州摠管定襄王大恩勤績允著安輯邊境討
擊未賓率其從化朕君臨天下義存撫育念彼彫弊
若納諸隍但朔方黎元逆命日久今雖歸附仍懷反
側其代州總管府內石嶺以北自從武德四年二月
二十九日以前所有愆犯罪無輕重悉從原宥可並
令安居復業勿使驚擾五月乙丑以竇建德平詔曰
自隋氏失馭政散民流盜賊交侵區宇離析喋喋黔
首俱被焚溺之災元元無辜並困豺狼之吻朕受天

命君臨人極克除暴亂大拯黎民殼教所覃無思不服唯彼趙魏尚隔朝風建德往因喪亂連群結黨竊州據邑擅置官寮叛渙一隅恣行凶虐朕愍彼河朔久遭塗炭納隍軫慮無忘典寢但以彫弊之後惡煩士衆且事含弘未先討擊然而遊魂放命數稔貫盈驅率犬羊圖爲侵斥與王世充欲相救援輒來舉斧以抗大軍兵威所臨醜徒皆潰生擒建德囚致軍門凡厥支黨皆就虜獲歷念逋寇一舉廓清蕩滌遺民與之更始可赦山東諸州舊爲建德誑誤者自武德四年五月八日以前皆赦其罪仍令太子左庶子鄭

善果爲山東道撫慰大使考功郎中李觀玉膳部郎中高正表爲副存問民俗宣布朝章其有率衆全城因機立効者量其功績就加職任奇才異行隨事旌擢其亡命山澤仍爲結聚詔書到後三十日不來歸首者復罪如初六月庚寅詔曰朕初膺靈命撫育萬邦一物失宜憂責在已是以昧旦丕顯曷食忘勞思流惠澤被於率土日者世充作梗僭擅一方侵虐士民阻絕殼教鞏洛之地比邑連城受制凶威莫能自勉翹足引領乞師請降朕愍彼黎庶獨爲匪民命將出軍用申撫吊兵威所震醜徒懼伏元惡填額面縛

軍門殄滅氛祲混同文軌拯彼烝民出乎塗炭宜從
蕩滌與之更始可赦河南諸州舊爲世充所誑誤者
自武德四年六月四日已前皆赦其罪若有率其部
衆保城邑因事立功以歸朝化者量其効績就加職
任奇才異行隨事旌擢鰥寡孤獨以時恤理亡命山
澤詔書到後三十日不來歸首者復罪如初七月丁
卯詔曰天生烝民赫之司牧光宅區宇撫字黎庶日
月昭臨文明於是統極雷雨作解順時所以布化往
者隋氏代衰政刑廢缺九服雲擾五岳塵飛率土之
民墜於塗炭瞻天躋地控告無所朕愍彼橫流志存

拯溺投袂鞠旅肇建義旗伐暴除殘克寧宇縣靈祇
叶贊遐邇樂推歸運所集祇膺寶位戡翦多難綏輯
遺氓溥彼萬方情均覆育然而世充放命擾亂周韓
建德遊魂虔劉趙魏害虐良善阻絕朝風言念匪民
久罹凶毒盈滿之樂猶有向隅納隍之嘆無忘旦夕
是以出軍命將伐罪吊民宗廟威靈卿士效節旌旗
所拂醜徒冰泮二凶授首萬方廓清車軌大同氛祲
澄蕩邊候解拆烽燧無虞振旅休徒凱歌里汴今旣
九圍靜謐八表乂寧思與吏民勵精更始又惟寡德
政道多違陰陽不調致茲亢旱深思惕懼震悼于懷

突厥至城下伏兵發大破之斬首二百餘級以蒲政
為朔州總管曲赦馬邑十月戊申減死罪從流餘皆
原放

七年四月甲子詔曰自有隋失馭盜賊交侵四海群
飛六合雲擾上天降鑒爰命朕躬勘定凶災廓清宇
縣然而江湖之外水鄉僻遠向化之民未能自達逆
賊輔公祐驅扇凶醜蟻聚蜂屯侵虐黎民搖動城邑
朕憫茲塗炭義在吊撫命彼偏師聊申蕩伐沿流而
下應機雷尅氛稜清蕩遐邇又寧文軌大同朝野咸
慶今朱明戒節時方長育宜順天心播茲仁惠可大

赦天下自武德七年四月一日昧爽已前大辟罪已
下已發露繫囚見徒悉原免其犯十惡劫賊官人在
法受財主守自盜及嘗赦不免流已上道者並不在
赦例亡命山澤挾藏軍器百日不首者復罪如初其
江州道行軍經途悠遠非無勞倦應供運轉及從軍
之內有犯罪除解官人立勲効者並復官爵仍依本
品隨才處分楊越之民新沾大化見在民戶給復一
年其與賊同心共為逆亂非被迫脅情狀難原者不
在此例

九年六月庚申皇太子建成齊王元吉內挾邪謀將

冊府元龜 卷之二
危社稷皆伏誅是日詔曰朕恭膺寶位臨馭萬方綏育黔黎于茲九載欲使仁惠之政達於天下德義之方孚于宇宙豈謂莫大之釁近發蕭牆反噬之惡滅於天性皇太子建成地居嫡長屬當儲貳處以少陽翼克負荷遂昵近群小聽受邪謀蔑棄君親離阻骨肉密圖悖逆潛爲梟獍司徒齊王元吉寄深盤石任惟翰屏寵赫旣厚職位非輕背違天經協同元惡助成隱慝迺相驅扇醜心逆迹一旦盡彰惟彼二凶罪窮數稔禍不旋踵用取屠戮念茲醜惡慙恨盈懷今禍難旣除氛祲澄蕩國步夷坦政道惟新思與萬民

滌除更始可大赦天下自武德九年六月四日申時巳前罪無輕重巳發露未發露繫囚見徒悉原免凶逆之事止在二人自餘徒黨其被註誤一無所問各從曠蕩其僧尼道士女冠宜依舊軍國事皆受秦王處分是月廬江王瑗爲幽州大都督舉兵反王君廓斬瑗傳首京師癸未赦幽州都督管內文武官人及民庶被瑗拘逼淪陷逆黨者罪無輕重咸從蕩滌

冊府元龜

冊府元龜

帝王部

卷之二

三十二

